



金陵通傳卷十六目錄

第七十二冊

弓元父寶 隋孫錫 景賜宗人鄉 火城 霽 張翊 黃琮

第七十三冊

李熙父昊 邵清 王弘范祺 趙俊 金賢子大車 大輿 夏輯玄孫國卿 國卿子衷 愷 衷愷子賦臣

第七十四冊

王鑾子可大 可立 玄孫萬禎 何遵祖瑄 從父鈞 子世守 曾孫光顯

第七十五冊

黃宏子紹文 鄭瓛子守矩 嚴紘紘孫丕承 楊銳

第七十六冊

邢珣宗人燦 科 夢珂 珣子埴 址 從弟瑁 瑁曾孫昉 珣從弟瓌 瓌子世橋等 孫繼本等 曾孫仕乾等 玄孫振慈等 瑁從弟瓌 尚異 獻之 期仕 道孝 襄 必慶 孟麟 建祚 星 族人如斗 景錫 夢小 堦等 楊殿 鳳陽 原郊 懷西 自業 紹發 一科 之鵬等 宗楷 承 瑞年

第七十七冊

羅鳳王顏 姚隆丁沂 李重邵鏞 王文光 吳惠 李傑強毅 張瓚尹賢 儻

通傳卷十六目錄

第七十七冊

清 朝 俞莊 莊子倫 張蕢弟秦 從子應圖

第七十八冊

朱珩等 吳珣 夏甯 張蕢弟秦 從子應圖

第七十九冊

...

第八十冊

...

第八十一冊

...

第八十二冊

...



弓張黃景傳第七十二

弓元字大方江浦人自云駢臂子弓之後也世居孝義鄉父瓚博綜書史練達時務充陰陽學訓導里中諸大建置力任修舉元舉成化二十二年鄉試弘治九年成進士除岳州推官擢御史巡按江西上修內攘外一疏幾萬言洞明政要報聞未幾卒官著有午夢錄及文集裔孫錫字子周 國朝康熙間諸生以孝友推重鄉里年近九十兩舉鄉飲賓不赴知縣項維正嘗造門禮焉

張翊字惟忠先世自吳徙實京師遂爲上元人父晟性倜儻尚風誼思大其家謂儒者經濟學問在詩書乃多購書藏之翊少穎悟十三解讀書力學修業非定省及父召不出戶家本近市凡俚語玩具一切不曉每對客自尋奧義漫不知客語云何唯唯而已舉弘治十七年鄉試再上禮部不偶其勤學在館如家在舟車如館不奪於可欲自京及家人問京國繁盛與所過城邑皆不知也

通傳十六

初試大理評事卽日取獄囚勘詳輕重其學淹貫歷代史事及明初朝章國故旁涉天文地理星卜草木之書正德六年夏夢神告曰金公請作調愀然曰金秋氣調弔同音人其弔我乎一日往別墅有自城中來者曰某坊火翊曰吾里也恐燬吾書急馳歸馬羸多蹇遂得疾果以秋卒年二十七

墓在建業鄉張家山翊嘗謂

蘇伯修元名臣事略多缺作元名臣言行錄四卷又采宋史臨奠大臣之禮爲一編曰臨奠錄言大臣宜厚也又有豎鑿錄爲瑤箴而作妻鄭耳熟文義能屬

詞子鶴齡亦有名

黃琮字元質其先籍撫州父度浩字望雲以事至金陵愛其風土遂定居爲上

元人琮補應天諸生作平蠻金陵二賦文譽騰起與張翊同歲舉鄉試弘治十

八年成進士除青田知縣興修浙江省志既與時不合謫長樂教諭復遷郟城

知縣作問官祠祀鄉子及孔子自爲記又感時弊著馬政二篇擢橫州知州得

秦觀海棠橋址拓堂宇以風夷俗升岷府長史以母柳年高乞養歸未幾卒

兩撰有求志行義青田謫游郟城諸稿嶺南日課續課楚征日錄宗說東歸乞

墓在

養堂等集子伯耕仲牧世其學

景陽字伯時祖成與御史大夫清爲從兄弟居眞州父宣廣東布政司照磨歸老青溪遂爲上元人賜數歲能文劉大夏器之事母孝母目盲數歲復明夙治易與何宗伊字賓方宗顯相砥礪善書工小篆舉弘治十一年鄉試正德三年成進士以一甲第二人及第除翰林院編修時劉瑾專國見者屏氣陽獨不少阿每當進講必越宿齋戒冀有感悟在館九年遷國子司業以資當進梁儲謂之曰成均士子師範非君不可因奏留之尋請歸養改左中允管南京司業事南方士習競便利有請託者一切謝絕初友人張貢見陽女欲聘爲子婦俄而貢卒陽曰吾曩已心許之忍負亡友乎卒召其子妻之會以母憂去位服闋赴都方宗顯仍爲布衣與同舟行至儀真陽以疾卒宗顯親爲視斂痛逾手足送其喪歸葬焉葬夾岡門外孫家山陽著有前溪集同縣火城字國用出百金梓之曰吾不忍故人精華沒於地也陽宗人卿字夢弼善畫小景嘗自寫杏花題絕句云晴團紅粉護春烟彷彿江村二月天記得踏青回首處一枝斜拂酒樓前霽字光

通傳十六

二

甫工詩著有登陟紀吟避暑吟上元萬夢桂有詩贈之夢桂字稚徵以貢生官

崇義知縣

賜子二擇持擇子二禎祥祥子四昇星暹早星子三隴榮照天啟初建景公祠於雨花山使躍奉祀給以衣巾

論曰學能經世之謂儒非徒咕畢章句而已也弓元修攘之疏張翊豎鑿之錄黃琮馬政之篇練達時務莫是過矣景陽正身進講不爲瑄屈不言而躬行其有得於鄉魯之宗旨乎

李邵王金夏傳第七十二

李熙字師文上元人父昊字致遠天順六年舉人成化五年進士除檢討改南京禮科給事中二十二年宮中黑嘗見昊力陳時事當罷行者出爲浙江左叅議值紹興水災乃寬民逋負嘉興陳百戶聚眾劫庫卽調兵禽之以仇直轉長蘆運同改廣西太平知府著有坦拙謫居二稿熙以弘治五年與邵清同舉鄉試九年成進士除將樂知縣擢御史十八年奸人徐俊等造謠言帝遣齎駕帖至南京多所逮捕已而知其妄熙疏言陛下於此事威與明少損矣儻奸人效尤妄以蜚語中善類善何可勝言帝納之正德元年九月以災異抗疏請誅劉

瑾詔逮至錦衣衛撲三十罷歸踰年瑾復摘牘語文致微過詔於南京午門杖五十時南京禁衛久不用杖乃選卒習之人人爲跽危跽在獄猶爲外舅作壽頌數百言見者嘆服瑾誅得禍者皆起熙獨廢居十六年家在新橋西橋舊名飲虹人以熙方嚴峭直因稱爲飲虹先生況其負氣而善藏也嘉靖初始起爲饒州知府遷浙江副使尋卒

墓在鳳西鄉李家庫

著有尙友集明農集飲虹遺稿

鄧清字士廉江甯人幼有至性三歲喪母號泣別室必欲往視禁之不可既長貌古神秀音聲清遠以舉人選授德化教諭山東巡撫聘典試事悉心校閱事竣拒贄不納馬文升戴珊廉其賢薦擢御史由教諭爲御史自清始在臺委督抽分奸弊一無所容近侍屬請者不少貨外戚張延齡奏人負券若干縉有旨與追清置不爲理正德初按鹽長蘆兼理河道忤中貴人劉瑾矯旨逮清榜於午門下家人泣清曰我非自敗名節以辱先人至此況得失在我何哭爲因罷歸閉門灌畦瑾復官分巡雲南瘴鄉賊藪靡不親歷累至廣西左江僉事忠州龍州土官罪惡日甚清不動一兵而禽之疆圉晏然生平所莅皆膏腴地而

道傳十六

三

一毫不染請告還里家貧無屋依外氏敝廬以居提學林有孚過訪無茗椀可設有孚太息去南京禮部尙書霍韜以所毀菴廟田若干畝餉清清不受疾革語其子曰爲己謹獨最難務保此生無過至瞑目心始安耳遂卒後祀賢良祠王弘字叔毅號巴山六合人家世業農弘年十餘齡聰慧異常兒莊畧以女妻嘗騎牛讀書遇知縣某試之曰牛首親黃卷卽應曰龍頭奪錦標知縣舉成奇之留與語旣出弘送之知縣曰送別黃泥壩卽應曰相逢白玉階化十六年鄉試弘治六年與溧水范祺上元趙俊同成進士除御史正德初因災異上疏其略曰自古奸臣欲擅主權必先蠱其心志如趙高勸二世嚴刑肆志以極耳目之娛和士開說武成毋自動約宜及少壯爲樂仇士良教其黨以奢靡導君勿使親近儒生知前代興亡之故其若惑之卒皆受禍陛下卽位以來天下顛然望治乃未幾寵倖奄寺顛覆典刑太監馬永成魏彬劉瑾傳興羅祥谷大用輩共爲蒙蔽日事宴遊上千天和災祲疊告廷臣屢諫未蒙省納若輩必謂宮中行樂何關治亂此正奸人欺君之故術也陛下廣殿細旂豈知小民窮檐蒨屋風雨之不庇錦衣玉食豈知小民祁寒暑雨凍餒之弗堪馳騁宴

樂豈知小民疾首蹙額赴訴之無路昨日雷震郊壇誓出紫微夏秋亢旱江南米價騰貴京城盜賊橫行可恣情縱欲不一置念乎閣部大臣受顧命之寄宜隨事匡救宏濟艱難言之不聽必伏闕死諫以悟聖意顧乃怠緩悅從巽順退託自爲謀則善矣其如先帝付委天下屬望何伏望側身修行亟屏承成輩以絕禍端委任大臣務學親政以還至治疏奏劉瑾大怒廷杖弘三十削籍歸瑾誅起爲廣東僉事提督學政征徭賊有功俄復罷嘉靖初有援引出議大禮者弘辭之復與時忤致仕卒祀鄉賢著有巴山集范祺字應禎以成化三十年舉人登進士歷至福建僉事有操守於法無少貨豪右咸屏迹改雲南值劉瑾用事祺不樂仕進遂告歸家居二十餘年足迹不入公府年八十四卒著有拙齋集趙俊字克用號雪岩以御史按治屯田巡江巡倉釐革宿弊薦林俊楊一清才堪大用時太監汪直以罪安置孝陵乞茂陵司香火莫復用俊疏其好事遂已出爲淮安知府正德初劉瑾執權中飛語歸閉戶讀書訓子尤嚴子兒字鷲洲以正德十六年進士官御史罷歸猶戒之曰汝還而閒居毋蕩曠業可日課

通傳十六

四

詩文兌恪遵弗違也兌後起爲常州知府仕至參政俊遂不出著有雪岩集兌子合字練江王可大之壻也合卒子如循幼劾妻守節獲旌

金賢字士希一字東園曾祖洵自永平徙南京遂爲江甯人賢偉幹修髯顧盼自喜舉弘治十四年鄉試明年成進士除仁和知縣疏復西湖田數百頃入爲兵科給事中勘獄兩淮時劉瑾執權諸司錄囚非取其意旨不敢決賢獨據法剖斷瑾大恨之出爲大名知府建狄仁傑寇準祠籍贏金三千兩於官卒中忌改知延平泚任七日乞病歸生平重敦睦樂周郵與王章交最摯章常有所貸身後焚其券年七十一卒賢少學易於吳彥華聞晉江蔡氏著易說乃與董林推衍奧義歎曰聖人精微盡於易而行事則在春秋學者不通春秋終不達聖人之用遂取三傳及諸家之說作春秋紀愚十卷春秋或問百篇于二大車字子有嘉靖四年舉人耆古博學周秦以下諸書無不研究文尤奧衍詩亦超逸父卒遺產千金悉推以予諸弟人有負所貸者召責之已稔其赤貧更遺以金著有方山遺稿大輿字子坤號平湖諸生性曠達豪邁不問家產名日起而貧

日甚者有詩文諸稿卒後其友郭次甫曰子坤極有義氣交遊中乃無好事者梓行之余囊中僅有一漢鼎若售去可成此舉適吳人以四十金買之其集乃刊成焉

夏輯字良成高清人年十三居親喪廬墓三年長與王守仁爲友舉弘治二年鄉試除沙縣知縣以忤劉瑾罷歸瑾誅起補瑞安知縣調曲江皆有政聲著有懷慈集玄孫國卿字石渠性孝友撫猶子如己子焉國卿子衷愷字威如者古好學尤精於易屬世多故遂棄諸生隱居湖濱與魏吉韓无疾等結社賦詩著有強裁草衷愷子鉉一助賦臣皆諸生賦臣初名雯字雲士號漁生喜吟咏與張自超訂交嘗輯三湖逸詩修高淳縣志著有漁村詩稿

論曰劉瑾專政內外百僚從風而靡而李熙邵清王弘獨與相抗繫獄廷杖節義之風慄焉范趙金夏諸人一與瑾忤蕭然遠引識保身之哲矣東園父子文學斐然較諸雪岩鷺洲不幾兩無軒輊哉

王何傳第七十四

通傳十六

五

王鑾字汝和號西冶南京錦衣衛人父潤字宗本以孝友長厚名鑾面白皙有威手骨清峻舉正德五年鄉試明年成進士觀政吏部時流賊初平鑾作原治三篇略謂今之賊盜皆由守令非人監司惟利趨承撫按罔覈實效以致浸淫潰敗弭盜之本在禁奢崇禮敦教化黜貪墨尙書楊一清器之補文選主事朝夕扁戶人罕得見遷考功員外郎節益峻進驗封郎中武宗南巡上書力諫廷杖被劾歸踰年卒著有西冶遺稿子可大

可大字元簡一字曉山號少冶修軀貌首面長尺眉目疏朗音聲如鐘舉嘉靖十年鄉試三十二年成進士歷刑部主事至郎中閹臣嚴嵩欲陷人重辟可大執不可出爲台州知府與總兵戚繼光敗倭於花街白水洋嵩猶惡之復左其官遂歸閉戶讀書士大夫有過訪者才一報謁而已嵩敗起爲興國州同累遷黃州通判承天同知拜南京戶部郎中未行授瓊州知府平李茂之亂尋致仕家居高自位置得簡貴聲年七十餘猶蓄聲伎衣必華整四邊以紅紫黃綠帶緣之香氣拂人飲宴談諧人謂有東橋之風書法鮮于伯璣非所愛索一字不

得著有二山彙稿國憲家猷白雲稿縣筒集金陵名山記弟可立字丹邱諸生淡於名利御子弟嚴整有法度七十後猶手書所撰小程吏數十卷又有建業風俗記引睡稿可大子肖徵萬厯四十三年舉人孫某海瑞來掌南院謂之曰乃祖在瓊只飲一杯水爾曹毋墜家聲曾孫萬禳萬禳字日華號夏甫崇禎十二年貢生性至孝母武氏病禱天求代剖股以進工詩善書暮年足疾終日臨池手不釋卷年八十餘卒著有香醉山房存稿及詞稿彙陶全編金陵名勝記名山雜記河海錄奕林閒詠萬齡字月華亦諸生風雅與兄並著又萬壑字壽甫其從弟也著有詠物詩

何遵字孟循號味淡其先有名文廣者自吳江徙實京師文廣生澄澄生瑄字素菴精天文遂入南京欽天監籍性慷慨好義母喪哀毀日盲年八十九卒子鎰嗣爲天文生鎰弟鐸卽遵父也鐸弟鉞字勳伯號東谿正德二年舉人六年進士由行人轉御史奉命清戎務閱軍器剔蠹殆盡巡按浙江適值柄文甄拔名士爲多除荊州知府振興學校調常德尋乞歸放情泉石勵諸子以耕讀鉞

通傳十六

六

子適嘉靖二十八年貢生鐸妻夢亦葵而生遵甫六齡見日食卽跪護之幼無他好粗衣糲食不以屑意家貧父命之賈不願也去爲儒舉正德八年鄉試明年成進士吏部尙書陸完聞其名使子弟從學及選臺諫遵引疾日不可因人進也授工部主事榷木荊州蒞任初卽申嚴禁令首竄奸胥數人輿論稱快舊槩有丈尺畸零樣木熟抽諸名色悉徵課入官備用遵盡革去凡稅自百金以下減三之一風濤敗貨者勿算入算者手實其數自識之藏於郡帑數日一會比去不私一錢登舟波浪大作遵投詩與江神云兩袖清風歸去好滿船明月順流安此心若與神明悖一任長江有急流少頃風息旣歸京師會帝將南巡以進香東嶽爲詞遵抗言淫祀無福萬一宗藩中藉口奉迎潛懷不軌則福未降而禍已隨蓋指宸濠也諸權倖見疏邊勿進時郎中黃鞏修撰舒芬等先後以言下獄遵復極言江彬怙權倡亂鞏等無罪願特寬宥毋使後世傳有殺諫臣名帝怒并逮繫之撻掠瀕死復罰跪將加廷杖友人勸令用賄買輕遵曰法不可枉囊亦無錢杖至四十肢體俱裂越二日而卒年三十四嘗遵草疏時家

值何安前哭諫曰主縱不自計獨不念老親幼子乎遵從谷曰爲我謝大人兒
子勿令廢學足矣已復書託周金陳沂以後事語不少亂死之日父鐸方祭墓
歸有烏悲鳴心異之或傳工部有以言獲罪者鐸長號曰遵死矣既而果然世
宗立贈尙寶寺卿應天府建祠祀之在紅紙廊霍韜題其額曰廉直子世守以蔭爲
國子生除刑部照磨出爲臨江通判值水漲世守願以身塞之潮旋退平謝法
四賊黨民賴以安改判永昌定木邦之亂轉安吉知州除寇救荒舉天下清官
第一進南京刑部員外郎乞病歸卒贈少卿與父遵俱祀鄉賢著有天邊別駕
夢談錄廣續別等集續志動集榮忠忠節大獄庶獄清曹平刑等錄撫定木邦
記止足分陰等書世守子應鼎監生應鼎子光顯

光顯字丕承諸生以名節自負天啟中南京建魏忠賢生祠於雨花山光顯捐
貲購地上闢祠數武起海瑞祠同日興工一榔一斧務令聲相應云以愧彼且
爲國家存一綫也嘗上書觸閹怒御史游鳳翼疏其妖言謀反并誣以不孝父
應鼎力爲辯亦下獄子齊賢方七歲哭爭於刑部尙書周希聖會閹誅得解崇
禎十年復疏陳時事不報弘光初又上書痛詆馬士英劉孔昭遂被戮於市
論曰西治味淡直諫而死刑不上大夫有明一代君臣其深愧此言矣少治觸
忤分宜猶有厥考之風烈其清操介節爲海剛峯所稱豈易得哉丕承以太學
生屢上封章卒以身殉雖昧出位言事之義然與陳東歐陽澈後先同揆已

黃鄭嚴楊傳第七十五

黃宏字德裕六合人弘治十四年舉於鄉明年成進士除萬安知縣縣民好訟
訟輒禱神宏毀其祠曰今在何禱也訟者至每片言折之入爲戶部主事改南
京刑部累官南贛江西左參議從王守仁討橫水桶岡賊督餉有功甯王宸濠
縱賊閔廿四等劫掠宏率兵捕之走匿王墓所盡獲其輜重以歸宸濠逆節益
著士大夫以爲憂宏正色曰國家不幸有此我輩守土死而已有知大義不入
其黨者則陰左右之及宸濠反被執不屈下獄憤恚弗食作絕命詞云天翻地
覆霎時間取義成仁自不難蘇武但知持漢節文山豈肯受元官丹心貫日三
台爇忠血凝冰六月寒報國此身今已矣九原還爲老親歎遂以柩觸項死賊

義而殞之子紹文奔赴求得其棺以僞命治斂非父志亟易櫬扶歸嘉靖初贈大常少卿祀旌忠祠王守仁額之曰孤忠抗逆崇禎中追諡忠節紹文字道甫以貢歷官南安訓導晉江教諭文行並著嘗修六合縣志及廣德州志著有徵忠錄紹文弟紹武諸生工詩宏孫坊著有白忠錄

鄭獻南京驍騎衛人弘治八年舉於鄉十二年成進士除新喻知縣行取爲某部主事歷郎中出爲高州知府遷南昌時宸濠著異志招巨盜劫江上獻捕之宸濠誣奏獻捶殺王府校尉賄太監錢甯矯詔撫按提問宸濠反械獻小舟中忽風吹船開見鄰船有舊部兵獻諭以禍福眾共釋其縛因奪馬登岸潰圍一呼從者千人斬賊范成等赴王守仁營備陳賊勢烏合易散請速進兵守仁授以兵四百又俘甘桂等賊平復官以許直忤大府爲楊材所誣侍郎吳廷舉疏辨之乃擢山東運使卒官子守矩字子方嘉靖三十一年舉人官邵陽知縣廉明仁恕亦以不合上官乞歸少有文名晚詩興益豪年八十三卒守矩從子時選亦知名

通傳十六

八

嚴紘字仲周號石巖江浦人父良有隱德紘少從莊景遊與鄭獻同年舉鄉試弘治十五年成進士官御史正德初疏劾劉瑾出知南昌府極論宸濠非制進九江僉事從王守仁討逆有功就擢江西左布政使尋告歸見里民困於馬政卅江賄賊衛軍苦輸月銀白當事悉罷之他無私謁年九十四卒子師範孫不承字曉溟隆慶四年舉人歷孝豐商城知縣振饑鋤強恩威並著轉惠州府同知潔己愛人及歸父老繪臥轍圖以紀之

楊銳字進之南京羽林前衛人世襲指揮使正德初以才擢掌龍江右衛事督造漕舟於淮安兵部尙書王瓊以宸濠有異謀安慶居要害宜置戍乃進銳署都指揮僉事守備其地銳與知府張文錦治戰艦日督士肄水戰未幾宸濠反東下將順流取南京銳命軍士鼓譟登城大罵賊軍怒留攻城城西尤衝銳自當之晝夜拒戰殺傷賊二百餘人已而賊悉兵至號十萬舳艫相銜幾將百里宸濠乘黃艦泊黃石磯身自督戰令人持檄入城諭降銳腰斬以徇賊怒攻圍益急雲樓數十瞰城中城亦造飛樓射賊夜緹人焚外樓賊又置大梯廣二

丈高於城版蔽之前後有門伏兵其中輪轉以薄城城上束葦沃膏然其端梯近卽投之須臾燼賊多死時軍衛卒不滿百乘城皆民兵老弱婦女饋餉人運石一二數日積如山賊攻城城上或投石或沸湯沃之賊輒傷銳等射書賊營諭令解散有亡去者乃募死士夜劫賊營賊大驚擾宸濠慚憤謂其下曰安慶不能得安望南都會聞王守仁被南昌遂狼狽遁去凡十八日而圍解事聞擢參將且薦鄭岳胡世甯用之世宗立論功升都督僉事廢子千戶再遷僉書左府改南京右府充總兵鎮遼東移督淮安漕運被劾歸未幾卒

論曰宸濠駭豎子也而欲效靖難之師其鋒何足畏哉然黃宏從容以死則陷於羅網而不得免耳鄭獻出險入夷與嚴紘邢珣皆隸陽明麾下克成大功余謂力過兇鋒楊銳尤爲功首云

邢氏傳第七十六

邢珣字子用高渚人弘治六年進士正德初歷官南京戶部郎中忤劉瑾除名瑾誅起南京工部遷贛州知府招降劇盜滿總給田授廬撫之甚厚後討他盜

通傳十六

九

多藉其力南贛巡撫王守仁討橫水賊珣率兵自上猶石人坑入常爲軍鋒進擊桐岡賊方約降珣與吉安知府伍文定已冒雨奪險進賊阻水陣珣直前搏戰文定等出其右賊遂奔潰珣先破其大巢以功最增一秩甯王宸濠反以重賞誘滿總執其使送珣遂從珣討之王守仁旣克南昌遣珣等分道進宸濠自安慶還救遇於黃家渡伍文定當其前賊趨利珣繞出賊背貫其中文定乘之賊大潰再戰卽平珣遷江西右參政嘉靖初增秩二等尋因大計被劾吏部以軍功未酬請進秩布政使致仕從之遂歸久之卒時有宗人燦正德五年大水振饑施藥死者給構科亦於嘉靖八年捐粟千石助振夢珂嘉靖四十四年舉人官慶元知縣夢沂字魯生家貧事親孝典衣以奉甘旨親怒必跪而受杖及居憂哀毀盡禮以諸生終珣子埴少從學於張璁嘉靖初舉於鄉璁貴顯屢欲援之辭不應除浦城知縣有徐沛者役公府埴一見異之令與子同學且爲娶妻後登第爲給事中其家世世祀埴埴弟址由進士歷御史終山東鹽運使以清操聞珣從弟瑁瑰一作瑰

捐字南涯諸生工詩著有南涯集子符符子尙賓尙賓子一涓均有名學校一涓子昉字孟貞亦諸生家多積書博聞強記與里中李昌裘結詩社又偕胡蛟之韓仲孝韓與九魏吉魏耀爲湖濱六逸性剛卞一語不合見色拂衣恥爲俯仰之態屢游吳越山水間崇禎五年試於有司斥其文曰太狂因作太狂篇遂棄舉業益肆力於詩古文詞明亡依王子京以終年六十四著有石臼前後集昉弟亞貞失其名亦工詩甥季東野從昉學詩有集四卷濟南王士正雅善昉詩屬高涓知縣李某訪其子孫厚贈之至 國朝乾嘉中昉後中絕有族孫坦字平坡爲立近支承其祀且助以婚娶費復生字純修號荻洲爲校正石臼集著有寶綸堂詩草

瑰字廷美性慷慨好義嘉靖二十三年大疫代人輸賦且出粟振饑施棺置義塚孝子宋德以救父誤傷人胡達以盜屬株連瑰皆爲辯明福建王某以獲罪鬻妻瑰代贖之陳某以病來投旋卒瑰厚葬之子世橋亦嘗捐粟千石助振世榮官兵馬司指揮嘗築襟湖隄造永濟橋從子世仁字良性官錦衣衛千戶有

通傳十六

十

指揮某擅擬疏論取世仁力沮之母喪歸捐置宗祠周卹窮乏世文嘗代人贖罪又捐費建明倫堂歲祲出粟以振世忠安貧有隱德世榮子繼本

繼本字惟立嘉靖四十年舉人除衛輝府推官獄繫盜趙會等七人皆奸吏所羅織者繼本廉得其情惟以會抵罪餘皆釋免有幼童姦獄久不決繼本閱爰書歎曰十歲男女相戲耳立雪之又有盜殺七歲女於路繼本焚香籲天捕趙姓者一訊而服會旱饑設糜振民全活甚重歷擢至知府卒官從兄弟繼芳繼初繼康繼寬

繼芳性好義以湖廣留守衛經歷署馮陽知縣築沙陽隄民便之母病告歸遂不出愛弟以公產讓之姪貧又割田以助焉

繼初生而孱落憫鄉里水患疏胙脂河以消之後官鄆縣主簿爲民築湖隄焉繼康字惟泰宗人某瀕死以幼子屬之撫至成立族子鬻於異姓贖之歸當捐貲修橋梁歲祲出粟振族又捐穀六百石建義倉後官大甯都司斷事捐俸置田以歲入治糜療民饑人咸頌之乞歸出境而卒子仕際字警我以貢生歷戶

部員外郎詔往振江西饑官帑不足捐貲數萬以助之歸建家廟修世譜興文社立義倉年八十四卒

繼寬字惟嚴官貴州經歷性明決讞沙鋪王嘉猷殺人獄一訊而服尋以母老告歸萬厯二十六年大水繼寬積粟十囤有掠之者官將寘諸法繼寬悉爲求釋子仕乾字健甫諸生敦孝友博學能文弟仕貽以遺腹生及長推己產予之著有歷代帝王世系圖考職方備覽仕乾子振岱歲貢生振岳字畏之 國朝順治十一年拔貢生除金華知縣境與閩鄰耿精忠未叛時各弁出貸其地於民積息數十萬民鬻子女不足償振岳請於上官將以奏聞各弁乃懼棄券歸縣額南米三千餘石例解溫台甯紹解戶往往破家振岳曲爲申請卽以米給本縣防兵撥解之害始除轉陽曲知縣有龔勝雲者名入逆案將就磔又貢生戴廷拭馬如龍以忤鄉豪被誣振岳皆昭雪之後擢知邗州告歸振岳孫復升字虞聞以貢生官繁昌教諭歷擢至邗州知州與祖官同事父及繼母以孝聞繼寬從子仕徵仕礪

通傳十六

十一

仕徵字久我年十二從父任某所父卒奉母扶襯歸好行利人事嘗捐貲修路建一石橋術者曰先行者必亡仕徵曰吾欲濟人反以病人耶先徒步往並無恙

仕礪字帶甫戶部主事繼鯤子也崇禎中以貢官南康主簿丙戌歲城陷死之子振孫抱父尸痛哭亦死僕袁本負一尸歸葬南康立祠祀之仕礪妻孔苦節撫幼子鉉成立仕礪從子振羽

振羽字翔之萬厯二十二年舉人由海陽知縣擢知華州時渭南知縣某索富人賄不得使盜誣之振羽奉上官令覆訊悉釋去吏以涉嫌難之振羽曰吾豈可避嫌殺人乎尋入爲戶部員外郎轉郎中出知邵武府事罷杉關商稅親喪歸廬墓六年以疾卒時有宗人祖尹字任祚崇禎元年官邵武府照磨署光澤知縣多惠政此皆其有繫屬者也若輩行無可考略依時代次之在明時則有如斗尙異獻之期仁諸人

如斗字觀之初爲惠州府經歷調樂清縣主簿歲大旱聞雁宕山石潭有龍乃

冒暑徒步行百里往禱不越日而兩人皆感之

尙巽工畫楊文颺稱其得王維筆意兩中副榜舉人以終

獻之喜讀書工雕鐫嘗以小胡桃一枚刻十八羅漢凡屋宇松竹題咏皆備焉
期仁性好施天啟元年捐穀二百石振饑崇禎七年代完積欠田租三百兩後
又積穀贍族逢歲歉輒施米以救貧民焉在 國朝順康時則有道孝襄必慶
孟麟建祚星一科景陽諸人

道孝字心之弟卒爲撫其遺孤順治九年旱捐粟以振又嘗助修學宮焉

襄字文煥以貢爲江陰訓導士貧乏者分俸錢給之因散振勞卒孫會字世英
諸生

必慶字佑徵康熙中屢出粟振饑捐田五百畝以贍族以及修文廟革里排無
不與力從弟景慶字天儒值大水没圩捐米百石助振又出穀三百石以周族
人

孟麟字玉書諸生有章之子也工詩以貢爲英山訓導著有雲籙集子孫亦諸

通傳十六

十一

生

建祚字與配與穆合情馬天成梅素五友善嘗以詩唱和焉

星字景之諸生篤行能文施閭章贈以詩云四海倦遊後還疑汎愛非寸心如
落木逢爾復春暉移榻連蔬圃烹魚出釣磯清懽成信宿不是醉忘歸可以想
其風趣矣輯有高淳縣志

一科字仲舉諸生才識不羣遇事有關繫者輒引爲己任並工詩古文詞

景陽以恩貢爲清河教諭月課諸生以詩文歸里後與修縣志居平以孝友勸
宗黨人多化之在乾嘉時則有夢卜堦鳳陽原邠諸人以文著懷西自業紹發
在尙諸人以孝著之鵬宗楷瑞年士昕邦華諸人以義著至咸豐時上森以忠
烈終焉

夢卜字茂林豪放好學工吟咏著有白陽集子芝字蘭畹性沈靜工古文及樂
府詩年八十餘猶手不釋卷著有白湖漁唱楚字荆圃諸生淹貫經史暇則蒔
桑麻種蔬果怡然自得年七十餘卒著有容膝齋草

指字蘭軒少孤貧躬耕以養年十六外祖楊殿見其英俊勸之讀書夜攻苦足不出戶遂通經史性剛敢言處公事如家事以歲貢生終楊殿字夢溪亦高渚諸生工詩善畫著有偶存諸稿培弟圻字抱真嘉慶十三年舉人性醇厚博覽羣書尤精左穀知縣許心源創建學山書院與酌條規未及竣事而卒從弟埜字玉川諸生性爽直不善治生喜爲人排難解紛雖被斥者毋敢怨見人作阿曲態輒去之

鳳陽字丹峯諸生性耿介不諧於俗工書著有花岡遺稿

原邵字度波工指頭畫

懷西字曰明性至孝母卒葬於沛橋去家三十里懷西年已六十三猶廬墓二年

自業少孤家豐於財有田五百畝爲兄蕩盡自業無怨言

紹發亦孝友與兄析產已久一日鬻田得數十金割半與兄不使家人知也

在尙字愷生事母孝朝夕不離母沒抱尸呼阿孃晝夜不絕聲既葬朔望拜墓

十餘年如一日

通傳十六

三

之鵬以監生官至知州嘗捐田百畝爲村中置義倉又設祭田大宗四十畝以周宗族小宗三十畝以恤親戚子本矩字魯侯性至孝父病革嘗糞以驗劇瘥親沒後未竟之事皆體行之排難解紛施而不德舉鄉飲大賓本矩弟本岐亦好義嘗欲爲邢族設義倉未就而卒其子復誠復吾爲成之復誠字良生性樸慤樂施予自其大母陳建石橋於邨溪上久而圯乃更建之又增置祭田數十畝乾隆中高渚大水壞民廬舍旣而大疫復誠爲籌醫葬諸費至五十年大旱復出藏粟千餘石以食眾貸數百金佐施議敘得州同年八十二卒復誠子晉從桐城姚鼐遊多文學晉弟國勛字允桐嘗捐修祠宇及學山書院費不貲皆國子生復誠從弟復遇字濟生閩族人多貧乏捐田四十畝以濟之

宗楷性好義乾隆五十年捐白金二百兩以振妻孔道光三十年水亦大施米穀焉

承性慷慨敬禮儒素嘗捐田百畝爲士人考費

瑞年嘗重建賈墅橋并砌通衢四里

士所嘉慶十九年捐銀二千兩助振又捐書院田四百畝與族人禹吉俱以好施名

邦華字石湖國子生善畫寫二十四孝圖最工有王正吉者家貧將鬻妻以供母甘旨特給錢米慰留之子祥鳳字子儀諸生工四體書邦華從弟邦達字顯廷道光二十年捐田百畝以供祀事

上森字裕廷歲貢生有文行咸豐六年粵賊警其徒買舟請借逃不可賊至奮罵不屈斷舌而死

論日子用武功卓著卒挂吏議不竟其用明之賞罰亦頗矣哉孟貞潔身不仕徜徉於三湖間而詩名滿天下遺老之有文采者也帶甫以忠烈傳翔之畏之觀之以循良著譽諸大海之中珊瑚木難無不有焉其餘文行孝義綿延至今過石湖者莫不仰布政公之遺澤云

羅姚二李二張傳第七十七

通傳十六

十四

羅鳳字汝文號印岡南京水軍右衛人父富貢才氣圭峯羅吧重之鳳少者學與鄭獻俱從王顏遊弘治二年舉於鄉九年成進士性峭直官御史守法不阿出爲兗州知府武宗南巡上官問以供頓費欲額外取民鳳辭曰非守職也上官忌之當大計注其名曰宜簡乃移守鎮遠復忤巡按御史又注之曰宜簡遂改石阡故自號簡翁凡三綰郡符皆有惠政及民而不合上官之休歸開延休堂以接賓建芳欄閣以儲書所藏法帖名畫金石遺刻數千種夙工詩晚年尤勁手書所著延休堂漫錄五十卷王顏字廷表上元人與鳳同舉鄉試歷滄州教授謫南城訓導遷國子助教出爲益府長史輔導得體卒於官

墓在鳳臺門王家山

玄孫燾字元溥以貢官光澤主簿有淵泉集

姚隆字原學號東津南京留守衛人弘治十一年舉於鄉十五年成進士除新昌知縣專以節費恤民爲務凡斷大獄必焚香告天然後以法按之會歲旱民多流殍設法振濟擢禮部主事去日士民饋遺一無所受轉郎中出爲荊州知府值大水駕小舟千餘濟之修築黃潭決隄有土豪鄧玉堂者爲南道御史所

按以千金求援於隆隆曰吾六年太守只飲荊州一口水若以千金發一書盡喪其生平矣卻之中官從者殺人卽捕置於法因罷歸居城外瓦屋數間頽陋不修時人皆服其清未幾卒時溧水丁沂字宗魯與隆同年進士累官湖廣僉事振湖湘饑民被其惠仕終左都御史正德中考察爲天下清正第一

李重字元仕號遠菴南京金吾後衛人弘治五年舉於鄉正德六年成進士除戶部主事時芻糧皆中官預之重清苦自持不受饋遺尋督隄兩浙鎮守大監劉璟侵官銀二十萬兩欲厚餽以鉗其口重正色曰與其遺我孰若代民償以足國乎由是宿逋幾清歷員外郎授德安知府宗藩羣校豪橫爲民害捕寘諸法以是申讒被逮安陸民劉鵬隨入獄重未之識也訝之鵬曰太守爲民受過民皆願効死豈待識乎重卒得白謫歸俄以薦起工部郎中出知九江府進江西按察副使持法不能俯仰與上官忤去任日誓不持一物妻有耳環任中置也取投諸水旣歸教授於溧陽史氏史念重貧以學俸爲置子錢及歲暮進之重僅受所應得者餘揮之不以入囊也尙書霍韜以祠宇廢田贈之亦不受有

蓬官來謁忽屋漏塵土墮客茶盃中客改容啜之曰吾飲公清德也年八十卒子种嘉靖二十五年舉人官同知 國朝康熙中有諸生無己者其裔孫也能述遺事與重同時又有邵鏞字伯倫號前川南京羽林右衛人少有異質年十九補諸生沈恩司馬泰俱相友善舉正德二年鄉試明年成進士歷戶部員外郎雲南知府四川副使所至有聲以性伉直見忌罷歸放情泉石而不屑生殖以拓業沈恩字復之正德十四年與上元王文光江甯吳惠同舉鄉試除深州學正遷德化知縣治民寬和對上官侃侃不屈罷歸貧甚意晏如也工詩善樂府嘗云向只知爲士貧不料爲官後更貧耳王文光字有孚號竹墩官定海知縣砥節礪行不妄取予擢御史出知敘州以慈惠稱吳惠字仁甫博學工文官昌邑知縣留心民瘼以清直爲權貴所構憤卒喪歸士民哭送之

李傑字伯奇六合人弘治十七年舉於鄉正德十二年成進士歷南京刑部員外郎杜絕私謁有關門李之稱出爲廣西僉事土酋岑猛作亂王守仁檄令監督軍營往來給餉以功賜金帛後與中官忤罷歸與傑同舉鄉試者強毅字致

遠上元人父英以舉人官教諭毅幼不好弄母薛病癯親爲洗滌中夜不寐晚
選紹興推官剖決疑案人咸允服稱爲強司理以事與上官爭不合拂衣徑歸
年八十二乃卒

張瓚字宗器南京虎賁右衛人弘治八年舉於鄉除餘姚知縣值海溢浮尸蔽
江瓚涕泣督瘞之又懇請振濟上官方督租瓚俟其行縣率饑民路號乞貸上
官怒瓚應對不屈卒得免由是見忤遂調竹溪卒官祀六合鄉賢當正嘉時郡
人多以循吏著尹賢字復之南京太醫院籍正德八年舉人通經術晚知平樂
縣憂勞民事亦與上官不合卒於任厲堙字達之南京龍江右衛人以西充縣
主簿署知縣均徭役練卒伍罷不急之工革鹽法水利諸弊民咸頌之章茲字
義之南京廣洋衛人以貢生除龍游訓導就攝縣事不妄取一錢歸老後讀書
別墅取六合故事作私考邑史二書又著學基學統以闡儒理慈宗人清字源
潔官福州府經歷署連江福清知縣嘗放犯吏還家吏得有子弁訛奸婦伏法
爲人所稱瑚字汝器有高志不屑詭隨以貢生選輝縣訓導有詩集瑚從弟環

通傳十六

六

亦爲威縣教諭人謂章氏以儒官世其家吳珣字良瑞號主泉南京會同館籍
以貢生除綏安教諭有諸生忤布政使學政將加斥革珣力爭乃已晚告歸賦
歸耕詩輯有警行錄七卷夏甯字蘆溪高涇人以歲貢官邵武訓導會廣學宮
有富人廬舍當毀賂甯求免峻拒之官終餘干教諭嘗與同縣諸生朱琦諸陞
同修縣志俞莊字敬夫六合人以貢生歷温州訓導伊陽教諭修祭器置官書
齋馬以濟貧乏升東阿王教授子佾性好義嘗出貲埋骼見遺金不顧焉

張蕢高涇人母好施蕢備物以順其意既官龍游縣丞造獄舍修橋路振貧卹
孤奉命至京遇閩人虧官裕哭甚哀傾囊予之弟綦字秉淑一字桃菴晚號若
棲野叟工文蕢與齊名從子應圖應亮少孤蕢撫之成立及姪入官敦請不往
人益高其行應圖字鍾河萬厯中官政和知縣縣故無城數罹倭患應圖首事
興築民得無虞擢知睢州乃歸應亮字汝龍嘉靖二十七年舉人除餘杭知縣
倭寇入犯偏師拒卻之調慶元入爲御史抵中貴人於法改四川僉事坐事謫
鄱陽知縣進嘉定知州平蠻有功以忤蜀藩歸家居議濬天生橋河改折漕糧

年八十三卒

論曰印岡之贛東津之惠一季之廉幹一張之慈仁皆不能諧於俗豈良吏真不可為哉然君子所守者道如必枉已求合則柳下三黜何以稱焉詩云彼己之子邦之司直吾為諸君詠之矣

通傳十六

七

金陵通傳卷十六

弟作儀參訂受業何允讓校字

金陵通傳卷十七

第七十八冊

都勝 劉璽 尹鳳 陳忠 劉煥 胡宗仁 陳廷瑄 李佛保 孫二把勢等 高鵬 鄭印子 夢熊

第七十九冊

張一鵬 子明熙 宗人間仁 明熙從子士驍 士驍子樞 族人效齡 武
鍾子浦 孫超等 廷超從子祖善 春元 天銘 祖善子澍堂等
化中 堯中 位中 可佃 光輔等 弁 玉 雲 文衡 孔臈 子

第八十冊

何岳 子祖卿 孫汝健 曾孫湛之 湛之 玄孫棟如 小璠 邢一鳳
楊廷俊 廷俊子士元 清之裔孫師孟 師孟子廷慶 鐘從
子履吉 宗人有徵 族裔世儼 世儼從子熊 熊子官

第八十一冊

趙嘉 張文達 弟文進 周卿 子慎 魏鎔 唐詩 弟子沈野雲 司徒顯祖 宗人化
望 秦漢 朱良佐 湯銑 張曉 熊子成 周膏 何敬卿 廊典

通傳十七目錄

第八十二冊

吳國賢 姚福 國賢曾孫晉 鄭道先 子之彥 孫笏 嚴賓 蕭相 楊一洲 周
暉 謝一桂 張正蒙 趙子實 周相子元 謝儒 玄孫冊
黃汝金

第八十三冊

餘八十冊

第八十八冊

金陵通傳卷十七

金陵通傳卷十七

江甯陳作霖伯雨纂述

都劉尹陳劉高鄭傳第七十八

都勝字廷美南京羽林左衛入年十五補應天武學生龔父忠職爲指揮僉事成化初擢都指揮僉事備倭揚州擊敗鹽徒作亂者尹旻等稟勝將才乃命充參將協同漕運陝西大饑勝奉詔輸米百萬石往振遷署都指揮使充總兵官弘治中以都督僉事帶俸南京前府勝居官廉靜歷任五十七年所處皆膏腴地而自奉簡淡日食止豆腐時因以稱之曰都豆腐早好讀書與名士遊及歸遂以詩文遣老焉

劉璽字廷守號省齋南京龍驤衛人面龐削肩如寒士博雅好學世龔本衛指揮掌運諸衛漕糧正德中江彬倚勢需索璽峻拒之升都指揮僉事江西都司巡按穆某薦之有僚文比之學官家人謂之窮鬼語遂掌都指揮事巡撫王守仁奏充參將協同漕運兼守淮安時戚晚郭助私市南貨將齎漕舟分載入

通傳十七

都璽預置一棺於舟右手握刀左手招諸幹言曰若能死犯吾舟吾殺汝卽自殺以明若輩之害吾軍也吾不能納若貨矣諸幹懼而退尋升都督僉事挂印充總兵官改僉南京都督府持廉甚苦人以青茱劉目之世宗時督漕總兵缺所司以璽名上帝識之曰此窮劉也卽任之旣莅官疏請折兌山縣糧米以免稽遲凡三十餘贖至今爲漕政良規復患淮揚河道淤淺奏起四府丁夫開濬致仕歸行李蕭然有書數卷而已

尹鳳字德輝號在竹南京府軍後衛人世襲指揮同知鳳少孤讀書嫺騎射嘉靖中舉武科鄉會廷試皆第一授中都留守俄進都指揮僉事備倭福建討平海盜許朝恩徙僉浙江都司轉福建參將所統皆新募兵選其驍果嚴加部勒遂成精卒倭陷福清南安連踪出海鳳邀擊沈其七舟追至外洋連戰許輿東浴七礁禽斬二百人又擊倭梅花洋走之追至橫山禽斬二百六十人大小凡十餘戰嘗糧盡馳島中采稗食之改掌浙江都司謝病歸隆慶初以故官蒞福建平巨盜曾一本再告歸尋起浙江都司進徐宿歸德參將徙守蘇松萬厓初

用譚綸薦召爲後府都督僉事提督京城巡捕先是譚綸內召道杭鳳執三司禮見綸不悅既詞得其治狀乃重之首推轂薦鳳掌環衛踰年汎防嚴密貴戚貂璫多斂手避者條便宜十事上之報聞未幾告歸居白下橋西年甫五十以詩酒禪誦自娛平生施予無所吝而非義則一毫不以自點凡居林下三十年始卒事間賜祭葬墓在孝義村龍山子邦憲萬厯五年武進士湖廣郎襄參將邦富邦定俱以文名孫心裕心祥心禴俱諸生

陳忠字南塘南京府軍左衛人家貧有膽智膂力絕人能浮江游百里嘗於神烈山禽兩虎由是知名初補新江營兵主將以隙鑽禁營中欲致之死忠夜斷索遁去投督兵李某麾下李方以倭警治兵廟灣偶宿關王廟忠夜巡見倭縱火焚廟乃毀垣救李出集兵與戰斬級七十二復於牛王河遇倭倭以奇兵襲忠後忠負李渡河得免李深感之後隸胡宗憲部一日方布陣倭挑戰宗憲撫髀曰得猛將衝之其鋒可挫也忠請往宗憲喜以所乘馬與之白鎧雙刀躍入倭陣萬眾辟易宗憲揮兵繼進遂大破之又於通州逐倭舉矛刺一倭於牆餘驚遁凡百戰未嘗稍挫由卒伍歷至參將世稱名將云妻沈亦有勇力家居倉巷嘗有盜數十人入將登樓沈持鐵槍守門盜不敢近乃焚樓沈挾槍啟窗投鄰家以免焉

通傳十七

二

劉煥字用晦六合人嘉靖三十五年武進士累官指揮僉事奉勅巡視南京屯田緝捕盜賊升山西都司掌印尋分守揚州進參將嘗督戰姚家蕩親斬倭酋有功時禦倭得名者句容胡守仁官福建總兵世襲指揮其保護鄉里者溧水陳廷瑄居崇賢鄉身長八尺力能舉重會倭經村口廷瑄獨立井傍挈汲水輪以示武倭不敢逼一村以全又嘗二捐穀以振饑廷瑄同縣李佛保亦有力人也居平忠義自許人未之識倭犯溧水與丁遵挺身出關同死於募軍橋孫二把勢六合人知縣董邦政拔爲民兵長倭入犯禦之屢奏奇功後因眾寡不敵死於水陳山王速宗仁張憑李秀季寶許金郭能呂洪姚訓崔甫陳甫嚴在盛遷周浦沈坤崔貫孫寶黃庚十九人皆六合民兵也嘉靖三十二年與倭戰於八團山速仁憑皆死三十四年又來寇秀寶等十人死舟戰於劉家河坤等皆

溺死當事上其狀命設厲壇爲位祭之

高鵬字南溟號雲程上元人嘉靖中官太原左參將巡撫葛縉嚴嵩戚也其標下家丁謀逆逼鵬傳令營中鵬舉刀殺二人眾遂攢刺之而死以嚴氏故不得優卹

鄭印字賓野南京某衛人世襲指揮少好學家多藏書以武進士累官總兵挂征蠻將軍印鎮守廣西子夢熊字虛白官亦至參將短身虬髯精悍有力雙馬並馳能超越而過仍發矢中的爲一時邊將之冠

論曰都劉二將廉而有威豆腐青菜之名達於朝野尹陳破倭有功疆場之間傳其武勇名與位稱卓哉偉人高鵬志不從飯費志以終內有權奸雪冤無日矣鄭氏父子弓裘繼美洵有儒將之風焉

張武傳第七十九

張一鵬字舉之號少州句容人居坊郭父古州病閉戶焚香剖左臂以進父食之而愈年甫十二也嘉靖三十四年倭寇犯南京句容民半逃去一鵬時年十

通傳十七

三

六誓於眾曰如民去城誰與守率家人張廿七等露宿教場隨知縣堵禦賊退知縣欲土其功笑而謝之後以諸生終子明熙

明熙字贊皇一字罔卿號圯上天啟七年舉人崇禎元年進士除高要知縣首念錢糧最重令納戶自封投置旁懸大鉏有重壓分毫者擊之以聞卽立置於法以故租不虧額又逐戶科糧派丁吏胥不得上下其手民大便之時賊盜肆行明熙籌畫軍實禽斬賊渠劉香老因遣人入九連山招降山賊陳萬謝廷桂鍾淺秀等三人俱恃眾挺身出上官欲慰撫之明熙曰賊中惟三人最强其所以出見者謂我不敢殺也除之事立定矣遂斬之又計禽劇賊黃侯綬以功擢吏部郎中釐別宿弊吏不能欺出爲廣東副使復臨武等十一城禽僞官朱衣點又平清遠峒蠻賊嶺南肅清調福建單騎之官平仙游山寇進太僕少卿乞歸卒妻陳當明熙赴閩時與子士驪妻胡留粵會土寇竊發遂皆投井死明熙宗人問仁字子兼號鳳池幼端敏有至性以拔貢爲合肥訓導歸里杜門卻掃著有國朝名臣履歷瑣碎綴錄五者軒文集家乘年譜明熙弟明皞明皞子士

士駟字次隨明季諸生事大母徐母李依依如孩提仲兄因役破家鬻產應之無吝色素性淡雅嘖笑不苟年三十二妻蔣卒終身不娶國變後隱居讀書不謁長吏學使楊某爲賦招隱之詩屢舉鄉飲大賓年八十一卒子樞

樞字端木七歲失母於喪次挑燈讀書隨讀隨泣及長敦孝義從祖明熙沒後田產未析家人以爲言樞曰忘孝友而棄仁讓非吾願也父沒終身哀泣飲食非薦不忍嘗妻王卒戒諸子治喪勿用浮屠法亦舉鄉飲大賓年八十一卒族人效齡字子長充國朝順治三年貢生除同安知縣鄭成功犯境團鄉兵力禦之以懲直被劾總督李率泰重其才留知鬱林州事嗣督者欲徙濱海居民恐其通寇效齡力爭不得解歸聖祖南巡迎駕奏對稱有年九十七卒祀同安名宦樞子廷超

廷超字文躍號乘菴康熙三十四年舉人四十二年進士與高涓張自超齊名石門吳某有江南二超之薦廷超遂除貴州懷遠知縣懷遠獠獍雜處俗好仇

通傳十七

殺縣南有梅寨與黎平烟寨世讐時時鬪廷超甫至卽率眾前往約束吏民泣阻不聽及至果有持械以待者是夜宿山下吏役皆逃廷超以一騎一僕入苗見無他意乃撤備以迎廷超以聖諭十六條反覆開陳眾苗泣作番語叩謝去後復屢至其地苗設鼓樂送之歸黎平烟寨聞之亦皆感化調任隆安值大水不待報卽發粟以振徙知大竹俗好以人命誑訟廷超先揭反坐之條嚴私和之禁有誣必懲不數月俗革適報造升科冊籍廷超不取民財凡部司等費皆以俸償又重治掠賣苗女之馮某奸人被膽再遷太康時禁賭例嚴縣民多造葉子戲具廷超訪得十餘家傳至指示利害民俱抱板自首總督田文鏡異之薦升行人擢刑部員外郎在署勤敏李衛適掌部事贈金以爲眾司官勸會世宗詢司官賢否衛卽以廷超對蒙賜鮮荔支異數也告歸家居代完窳戶丁銀歲饑振粥平糶請罷元夜張燈長官咸折服之卒祀鄉賢弟凱維凱子嶸坤一皆諸生嶸子祖善坤一子春元天銘

祖善字誤勳號姓湖性端重盛暑不袒褐舉乾隆五十七年副貢年四十事親

如兒時道光元年將以孝廉方正薦力辭不就晚年境愈困歲歉恆以瓜代飯澹然安之年八十卒無子以天銘子澍堂嗣澍堂字雨春號澗之歲貢生謙謹不與外事

春元一名天籤字紹彭號杏林性情和厚舉嘉慶九年武鄉試凡遇救荒捐振修治橋道諸事必身為之倡焉

天銘字敬修號勉齋幼穎悟長而失明乾隆五十年大荒家雖不裕猶推有餘以濟戚族子雋堂字璞巖諸生雋堂子士衡亦諸生與弟監生定樾皆死咸豐十年粵寇陷城之難

武鍾溧水人居蒲村性純樸垂老不識縣廷明嘉靖二年旱出穀二千石振饑又建三清堰望湖山二橋行人便之子浦從子滋俱以長者稱潘嘗建通津橋修天生橋香山觀中柏宋時物也又買存之已而欲置義田不果浦子曙易煦出映田三百畝為崇正書院費上官欲獎之辭曰父志也煦子尚敏以孝友聞於鄉與兄尚飭析產時讓田千畝滋子暉

通傳十七

五

暉字元晦幼孤棄儒業以吏員除台州府知事攝仙居知縣調黃巖皆稱治會倭人入犯暉禦諸物嶺勝之迫至釣魚磯倭還兵奮擊眾遂潰暉力戰死年三十八上官不以聞其子尚賓明史作尚實訴於朝乃贈暉太僕卿而廕尚賓國子生尚賓字邦嘉號鶴汀少以陳父死節疏知名嘉靖四十三年舉於鄉乃請移廕與弟尚冕大學士李春芳見而奇之曰得非前日抗疏生耶尋選建甯推官獄無冤者遷南康同知時中官權酷動以廢格詔書脅有司尚賓恐中其禍告歸年六十四卒著有雕蟲雜集

曷字元亮號橙墩暉從弟也少有俊才能文章以例選浙江按察經歷不赴性伉爽嘗有族人負齊王孫朱可淳千金可淳禁之別室而邀曷飲令僕微洩之曷投袂起曰族人被禁索逋而曷高坐歡飲豈有人理乎卽代償亦易耳何見辱之深也乃縱其族人去歸與婦謀盡以簪珥之屬畀可淳曰此可值八百金餘容續納聞者義之一日宴客忽失金杯一諸客驚索曷妾蘇氏曰無容覓已收入矣客去謂曷曰杯實亡失然公平日好客豈可以一杯故使滿座不歡

平昂然其言卒祀鄉賢著有攸好堂集弟昂字元績號紆溪孝友端方不樂仕進年八十卒著有紆溪集惠迪堂詩局子尙耕字邦聘隆慶四年舉人五年進士除陳鄉知縣考選禮科給事中出爲四川參議平峒蠻之亂勒石峨眉山擢湖南左參政居官廉介不名一錢歸田後里人王希仁見之三子化中堯中位中侍禮無完衣以是清名大著卒祀鄉賢著有秦川稿化中字大治萬厯三十七年舉人選黃陂知縣黃陂素號難治民輕國課不時完納莅者輒以累去化中一以德化不事敲朴會計無損邑多豪強化中逮治其尤餘皆懾服入覲後將擢御史命下而卒堯中字熙唐天啟元年貢生選竹溪知縣操守廉潔平易近民繼因遼餉急歎曰正供且難况額外乎即日告歸民爲立遺愛祠位中字國寶萬厯四十年貢生除揚州訓導捐俸修文廟祭器遷城武知縣有寇不窺城蝗不入境菴不侵疆水不爲患之歌仕終西安通判化中子令緒 國朝順治十一年貢生以博學稱武氏世多傳人明時又有光會光宸光輔可俱蓬頭等輩

通傳十七

六

光會光宸皆以貢生入仕光會官同知光宸官仁化知縣光輔應天諸生性至孝少失父事非母命不敢專習學有悟好遊山水力舉巨石善畫竹葉如生每以自娛母卒遂學道服方外衣一日端坐而逝可俱亦諸生有女艾年十六橋年十二當明亡時艾爲亂兵所執伺隙以帶自經死橋罵賊被傷赴水以救免蓬頭習太素脉決人生死悉驗至 國朝以來其宗人又有弁玉雲文衡孔牆等輩

弁字功伯玉字一仙皆諸生工畫弁習形家言當事舉諸朝考取天下堪輿第一雲善鼓琴尤工鐫刻晚號石湖漁叟

文衡字商平歲貢生內行修潔養親無違志其父老矣非博塞終日焦然每負輒親友丐貸文衡隨而私償之率以爲常父大安以爲於家無累也文衡性耿介非義不取坐是困甚有子將娶而夭其婦誓死歸夫家人皆曰毋重自困也文衡獨毅然整衣冠至女家叩其父母知志決命出拜越日以禮迎歸文衡少攻舉業及與方舟交始習經史近六十益刻苦晝夜不休丁父憂以毀卒子

洙字季子以七喪未舉走四方謀葬費卒於京師

孔牆字魯瞻號恥齋諸生著義甚篤族中貞女梁氏守節三十年爲顧恤立後又設義塾於西浦里乾隆五十年倡捐振饑管著學聖論以見志爲方苞所賞從子自厚字愛渠號秀山亦諸生少失恃事繼母孝父勤齋好施予自厚能繼其志當歲大歉鄉鄰多賴以全

論曰張一鵬忘身以事父殺賊以報君忠孝之尤者也明熙才堪治劇廷超德可格苗不辱其先世矣武鍾尙義元晦禦倭元亮好俠各有所表見而尙耕及三中皆有循吏之風兩家傳世至今爲句溧之大族也宜哉

何卜傳第八十

何岳字異齋南京留守右衛人居借園負性耿介嘗夜行拾遺金不使家人知次早攜至其處待失金者還之其人蓋因父解糧虧額繫獄變產三百金以完欠者岳得其情并爲前導省諸煩費云又嘗館某宦家某宦入京寄一篋數百金於岳處數年音問絕其姪以他事至金陵不知有篋也岳堅託以持去其

通傳十七

七

不苟如此又滄波門祖塋前隙地爲王姓所盜葬諸兄弟將訟之岳曰彼信有罪然死者何辜其掘之也留守吾經皇不亦可乎諸兄弟笑而止後以諸生終其身子祖卿字北泉亦好俠有某指揮爲事應拔黃求解於祖卿得無恙以女鬻於人復爲贖之指揮願以女備洒掃拒不納其他所爲多類此祖卿子汝健汝健字體乾號龍崖身長七尺威嚴若神舉嘉靖二十八年鄉試二十二年成進士除濮州知州年才二十四政尙嚴敏而主以實心升工部員外郎轉郎中有戚周某爲商人居間以三千金進求一劄付催各省拖欠上供錢糧汝健日以三千金書及各省使人賣妻鬻女償官雖死不爲也麾之走俄徙禮部出補浙江參議分巡溫處以京察降級知冀州不數月爲巡關御史誣劾歸性喜獎拔後進濮州馮祿冀州李再命皆於髫年識之爲之延師授讀俾成名士家居貧甚杜門謝客會清查田糧縣以虎頭蛇尾冊上汝健名居最後巡撫朱鑑數日何鄉宦一清至此宜子孫之多賢也卒祀濮州名宦著有竹素園集子湛之澹之最知名餘如澄之字秋水武進士澹之字叔之事蹟皆無考

湛之字公露一字矩所少有風貌白皙疏秀體弱不勝衣而神鋒標映舉萬厯四年鄉試十七年始成進士除南京刑部主事獄多平反進郎中築蔬園以親親家有鳴鳩亭雍容隨侍其中如爲諸生時與同官捐俸買白雲菴爲退食地設義冢於鳳臺門作漏澤園記俄丁父憂服闋補工部郎中時日本封事起疏劾石星誤國罪請除戎器以備不虞報聞出爲江西僉事以母喪歸再起浙江僉事務以風裁自見如某少卿主使殺人某宦室殲其子某寺僧誘婦女爲姦盜眾多以嫌疑不肯問湛之獨毅然治之一時有搏擊聲就轉參議工部與溫處皆父舊治所莅也觀手澤而惕然尋改四川參議未上乞休歸居飲虹橋別業旋被災買鳳嬉園爲娛老計生平尤重倫常無錫鑿工婦殉其夫以詩祭之弁白知縣旌其門吳俗勢家奴多虐里中獨嚴束其僕從後生有文行者必以齒牙獎借之復改疏園爲元津書院延四方志士肄業其間地方利弊言無隱情見諸行事不任受德王詩善奕草書繪事並臻絕妙晚耽禪悅兼治養生家言卒之日神檢夷瘡人以爲學道之驗云著有蔬園歸田二稿

通傳十七

八

涪之字仲雅一字太吳九歲能文長而聰悟過人才復敏速與兄湛之同舉鄉試萬厯十一年成進士除開封推官所泣三十餘屬弁他州縣案牘剖決如流有奸胥以蜚語中一知縣使者屬鞫論胥如法雪知縣枉上官撤行河條畫盡善歲荒振恤躬行粥糜以濬河所得銀視買藥設局療病全活甚多被病數日郡人奔禱得異人藥而愈人立生祠以祀行取授御史旋告歸家居者垂十年文酒之會無虛日復起爲福建巡按下車劾二墨吏所屬聳然奸人張疑造言山產赤金請中使開采民懼將變涪之調停中使罷其役誅疑以徇後行部至仙遊道卒

先是汝健夢孔雀入室而生涪之及在福建其子森如夢孔雀飛去不數日而計至

素工行書畫山水寫墨蘭

尤妙著有足園稿湛之子棟如

棟如字充符一字子極號天玉少時讀書山寺除夕家人促歸方研毫苦思不輟舉萬厯二十二年鄉試二十六年成進士除襄陽推官值板角苗亂薦廢將王一桂討平之遂以知兵名中使陳秦奏開襄陽青山礮棟如察爲顯陵來脈繪圖上聞事得寢後奉至襄撤府佐如屬吏棟如日理官係天子吏中貴人安

得檄旋代知府事奉集打手欲劫而辱之以棟如有備乃止及開穀城礦無所得官民被掠大開執梃起棟如執奉黨羽三十五人坐以劫庫律擬絞以聞後五日奉亦具疏上神宗裂之不問亡何奉造蜚語言擊殺天子稅使帝大怒首逮棟如榜掠之襄陽人赴闕訴冤不聽繫獄四年棟如日從馮應京授易談兵未嘗以患難挫志會因星變釋歸時父湛之尙健棟如隨侍左右園館華曠張燈置宴分韻賦詩極天倫之樂家居十七年天啟初起南京兵部主事適遼陽陷議募兵往救棟如自請行遂贖金赴浙江得六千七百人甫抵通州而廣甯復失又自請出關視形勢乃進太僕少卿充軍前贊畫兩疏請論經撫功罪又請非時考察京官朋黨朝貴大恨誣以冒節逮獄拷掠氣絕復蘇坐贓誦皮淞陽崇禎初復官致仕六年具疏言時政十年言留都兵事兵部尙書范景文薦之未及用而卒棟如晚年與楊廷俊陳我如友善建龍德書院於烏龍潭上講學其中著有攝園稿出山疏牘初續商音徂東草恢復議石城會語又輯實用編經武編近溪要語楊廷俊字籲之上元人父名世以貢生除沂水訓導歸里

通傳十七

九

後入舉鄉飲大賓與黃應登俱務撰述所著有讀史偶鈔詠歸集廷俊耆古博學明亡以隱終子士元字屆先 國朝順治四年舉人十八年進士除東阿知縣修學課士革派蠲供轉涑川擢沔陽知州瀕江田多沈沒民苦遺累士元繪圖請免汚人德之尤精藻鑑所識皆爲閩人告歸時宦囊蕭然著有組霞亭集棟如子壽字德溥潢字德坤明亡後不與科舉孫某殉難次孫以坊字曰範輕財好義著有鐘影堂詩集澄之子棟如字子新諸生有文名著有初蘭集棟如子蒸佚其字炎字李野寅字德亮皆力學敦行以諸事在胡任與傳中何氏在明爲著族入 國朝無顯者而能以學世其家澆之裔孫德昌道光丁酉舉人德昌子師孟字澹臣江甯諸生性落拓不拘小節咸豐初粵賊據金陵與張繼庚謀內應事洩跳兔同治中江甯新復西夷執庚申盟約多所要求當事資紳民折之師孟侃侃與爭辯無所畏他人率噤口弗敢言也師孟子延慶字善伯面有豆癍色蒼黃長身挺立似汝潁間奇士同治十二年舉於鄉性明決操守極嚴好讀書工詩古文辭嘗從軍天津防營於屯務多所贊助以軍功保至知府府主周盛傳卒遂歸侍母疾不遠出母卒復應提

督賈某之聘至天津仍總全軍營務處咯血疾發卒於軍贈道銜著有賜策堂文集寄渥詩存

卜璠字璞菴上元人性慷慨好施予嘗卜葬於牛首過鐵心橋見負擔往來者多苦渴卽傾貲穿井以濟之邢一鳳爲記其事又過某橋聞橋下哭聲則夫婦爲債家所迫挈幼子將投水者璠輒予金代償明年渡江舟覆與家童攀舟底飄泊數里始抵岸見一家燈尙明急往叩戶乃昔之橋下人也爲具食易衣以行人咸以爲有天道云邢一鳳字羽伯本姓林南京龍江右衛人嘉靖十六年舉於鄉二十年成進士廷試第三除編修歷侍講遷太常少卿罷歸家居留心民瘼上元首附留都爲根本重地而是時吏胥科派民不堪命府尹杜晴江治中趙西津訪得蠹政害民二十事好蠹十四人陳於大府治其罪未幾蠹黨復熾府尹楊遡川知縣林東瀛按其成牘悉裁以法一鳳言於後尹汪少泉刊碑上元縣前永絕其弊且爲之製文素工篆隸楷法著有雉山集一鳳從子有都不治舉業好讀奇書見郭忠恕佩觿卽熟其辭弁序尤精楚騷兼考韻切字法

通傳十七

星厓算數嘗登友人姚履旋樓望長干塔曰此影可射而入也遂閉窗塞竅斜對日光塔影果宛然焉璠字鏗

鏗字子振一字虹泉好學工詩與吳伯誠顧國輔王橋同舉隆慶四年鄉試是科寫榜逾半應天府無列名者治中包某言曰應天不見一人中式首善之謂何乃取中四人焉後官至長史著有二華館集吳顧二人自有傳王橋字公濟一字與竹亦上元人遠居於政生楊揚生晟皆生繼源字澄公讀書豪爽遵祖母錢遺命載兩世柩歸葬鳳臺門今王家墳是也繼源生鏗字景容精研書史爲應天名諸生鏗生濫字東苑孝友好學濫生子四楮梓旣薦遂中萬厓二年進士除刑部主事歷郎中出爲江西僉事轉四川進福建按察使雲南右布政貴州左布政擢順天府尹以目疾歸生平清正仁恕所至皆立生祠以祀家居後高懷雅量口不言人過善飲酒喜賓客年八十一卒子遵憲監生遵謨亦有名從子萬邦字誠齋兄楨子也樂施與能周急與人交有信充禮部儒士萬邦子輔字世臣國子生性孝友喜梅蘭竹石構一亭於園名自省齋吟哦其中倪嘉慶重其品王氏又有諸生名獻者一政次子道新道新生獻字策史以學爲一時推重余光鄭准許穀朱衣曉之曾孫也曉生銓國子生銓生瑞李逢賜盛時泰何清之路伯鏗徐曷宋存德等皆其弟子也鏗從子履吉

履吉字中立號誦齋少事父頤全以孝聞舉隆慶元年鄉試萬厯二十六年成進士除泉州推官時中官高某以閹曠虐民履吉窮治其黨又捐金助曠稅使之出境閩地乃安於是爲置書院立義倉百廢具舉歷仕至兵備副使就攝布政使告歸年八十卒弟豫吉字介甫工詩著有嘯餘集快菴章宗人有徵

有徵字伯符號虬岩萬厯二十八年舉人除昌邑知縣歲饑振粥全活萬餘人考課天下清官第一行取入都給事中祁某疏言臣鄉災荒全賴卜令一旦內

轉頓失慈母乞就近升擢乃遷萊州府同知仍管平度州事未幾卒官卒前一日民若

見其綵服入城隍廟乃肖像以祀也著有瞻紫堂灌月亭漫稿至 國初其族屬有世儼

世儼字若思康熙三年武進士官貴州鎮遠衛守備吳三桂反不屈死事聞

贈都司廕一子千總四十六年 聖祖南巡賜盡節邊疆額乾隆二年 諭祀

昭忠祠子沒無後以從曾孫士恆奉祀所居名白塔巷族子熊

熊字后昌雍正中以歲貢選肝胎訓導急公好義族祖世儼祠圯竭力倡修之

又與吳睿思蘭啟勳陳士騏楊我白章樹屏姚友賢吳蓀巖捐貲爲文廟春秋

通傳十七

十一

祭費謂之灑掃會子官字禹占本生父岱以諸生早卒官義在兼祧頗艱奉事而能得堂上歡心品高行潔非義不取卒困於諸生以終官子汝霖汝爲皆諸生汝霖學尤充粹汝爲子鴻藻咸豐三年死國寇之難

論曰畏齋耿介不欺克昌厥後龍崖祖孫三世經濟卓然而文采風流復足以佐之可謂不隕厥名者矣璞菴慷慨如畏齋而訥齋忤璫亦如大僕語曰盛德必百世祀宜哉宜哉

趙張周唐司徒秦朱湯周鄭傳第八十一

趙嘉字君祿涑水人少孤嫡母杭年七十餘有痼疾嘉親哺糜粥躬滌穢器日夜弗怠者八年御史毛某過其閭捐俸百金贈之嘉盡以周族黨之困乏者隱居山林不喜華侈生平無疾言遽色里中苦徭稅初爲稱貸以濟後竟破產代償之日益以貧蕭然壁立意泊如也鄉人或相犯不與校設酒食以款之人皆化其德焉

張文達字汝賢號一溪句容人唐孝子常消之後也曾祖禧祖鑑父儀文達事

親孝奉兄文通極恭性勤儉自壯至老未嘗與人爭嘉靖中有司榜善士名於縣之旌善亭文達與焉年七十例得冠帶未幾卒弟文進字汝忠號東泉通經史尤長於詩歲時與朋儕棋酒以爲樂焉

周卿字宗政高渚人母靳遺腹所生也甫六歲言及父輒泣涕家貧能孝得甘旨輒奉母有餘以周族親性者學有文名嘗與修嘉靖時本縣志子慎字尚禮以歲貢入國學或贈以三十金見道路流民及淺葬者周之比至家僅餘數金適鄰人因追比將鬻妻復傾囊以助焉後官渚水知縣有清操同縣魏鏗字朝振家貧力學歲歉絕糧或以市餅進鏗曰顛顛君子所羞卻不受旋舉嘉靖八年鄉試選泗水訓導甫上官而卒祀鄉賢

唐詩字古峯應天人事母孝旣補諸生頗好服氣術遇異人授以丹訣或勸其入山修煉詩曰家有老母世無不孝神仙及母死遂遠去其弟子上元沈野雲能醫有王鼎者得惡疾野雲瘡之鼎遂師野雲而以所得古峯丹經十卷爲贄野雲喜曰自吾失眞師氣雖鍊而養胎未脫豈意復見玄機乎

通傳十七

二

司徒顯祖溧水人充禮部儒士公平爲里中所服人有小爭訟輒任求決無匍匐公庭者宗人化邦字光宇以諸生入國學性清介考選上高縣丞徙遼陽衛經歷以疾歸家居十餘年而卒士望字錫三以恩貢官含山教諭屢署縣事并代知和州小心愼密惟以述士爲務學校感之

秦漢高渚人嘉靖十七年諸宦者奉章聖太后梓宮南附所過州縣皆有饋獻高渚知縣陶某獨無備眾擁陶去幽之人莫敢救漢曰吾力能返之乃衣錦乘馬往闕戶出陶負以上馬絕塵而去復厚賂諸宦者遂得無事

朱良佑字太和上元人好古工文爲都御史海瑞所知瑞卒良佑經紀其喪送歸瓊州人咸稱朱布衣高誼云著有紀異錄留京偶筆平倭志家訓二十六條湯銑溧水人有義俠行時應天六縣分養官馬爲民累隆慶二年銑以布衣疏陳其害得旨革除縣民卞蘭以熟田二千九百畝報荒加糧概縣又高渚以飛糧八千五百石加溧銑皆發其奸謀當事重之給以冠帶同縣張曉熊子成當溧舉改折漕糧之議並走京師疏請定則邑人賴焉又上元諸生趙善繼字白

石以民苦坊甲之役傾家殞命者相續乃奔訴於大吏疏請蠲除卒之日遠近來哭者千餘人從祀惠澤祠未幾舊弊復作有張崇嗣者力言於當事止之周膏江甯人性亢直不畏強禦魏國公弟徐天賜宅在大功坊與府學鄰欲易學旁隙地膏時爲諸生作非非子一篇言孔子貧厄門人售地語侵上官事乃已同縣諸生何敬卿家貧市米御史陳某以紅票糴予半價民畏勢不敢言敬卿訴於都御史海瑞乃已由是諸官不敢妄取市物

鄭典應天諸生性慧直訓童子於大中橋尹氏夜有羣盜猝至梓典令呼主人門典不可脅以刃典大言曰吾受主人請教若子今乃爲爾輩呼門以劫之豈復有人理耶汝殺則殺吾口不可開也盜不得已掠典衣被而去

論曰趙張周唐皆敦內行而唐不以好道忘孝得修煉之本矣秦朱以下諸人無不忘身徇義至周何不爲勢屈鄭典不爲威劫不尤爲人所難能哉

吳鄭嚴周張周謝傳第八十二

吳國賢字一所上元人諸生邃於易四中式皆被乙例得貢不就盡以生產付

通傳十七

十三

三子以一老僕自隨讀書吉祥寺受業四十餘人學俸悉以市書貯大樓任弟子取讀以餘錢給膏火不繼者歲讀十三經及史漢一過著有白土山房集同時好藏書者姚福字世昌一字守素南京錦衣衛人世襲千戶嘗構屋一楹榜曰青溪精舍每俸入輒以購書訓子弟里中多從問字有求詩文者輒應之博學洽聞留心古今之事著有風露亭稿青溪暇筆定軒詩話窺豹錄避喧錄其詩佳句如送醫士云路從大李題詩處人送長桑賣藥歸寒食云鬼節又看逢百五人家先已縛秋千皆可誦也國賢曾孫晉字介茲一字介受

國朝順治初以諸生舉鄉飲大賓著有一硯齋詩稿退菴文稿晉子睿思字詰鄰性孝友析產皆取其瘠者慎交遊寡言笑亦舉鄉飲大賓年八十餘卒其子式遽哀其事爲前後賓筵集

鄭道先

先

字韜菴宋監門俠之後也明洪武時自閩遷金陵遂爲上元人父

祐字雙槐有隱德道先喜賓客樂山水者吟詠并工畫梅善鼓琴精六書晚號水雲逸史著有蕃綠亭草子之彥字蘭厓少爲諸生試不售輒棄去習神仙吐納之術遇異人授以刀圭遂精醫僧古曇開壇普德寺之彥診之曰六脈沈弱

殆不起矣明日果死人以是服其技之彥子七笏字誦臣篆字頡書笈字笱史
籌字孺房皆名諸生芻幕游公卿間尤喜談經世之學節以百總從唐王死海
上符居金陵奉一拂祠祀簠字汝器號谷口亦能醫工入分書得曹全碑法好
金石文字東岱西華孔廟諸碑皆策驢遠至手自摹拓構灌木樓以藏之朱彝
尊嘗贈以長歌以爲六朝遺老僅見斯人簠字蘭字猗園自稱墨稼主人能詩
嚴賓字子寅號鶴邱上元諸生工書善畫亦能詩以羣閬點齋臺史被斥遂自
放廢嘗得王安石此君亭碑置亭覆之家有藤牀藤椅棗根香几皆極天然不
假鑿削精於煮茶茶具皆佳妙文人喜與之遊往來顧璘文徵明之門身長面
大口澗語多排調以嚴款名同時工詩畫者蕭相字漢卿江甯人南京禮部書
吏居秦淮上曉起蓬垢倚門而立手執古詩一卷呶呶不絕日高三丈不知晨
炊之未熟也嘗以詩投禮部陸某盛爲賞譽金鑾亦極稱之楊一洲字伯海一
字萬壑亦江甯人性好遊足迹徧五岳善畫山水人譏之曰伯海手不如腳以
諸生終著有柬中集妻沈宜謙之女也工畫折枝花

通傳十七

周暉字吉甫上元人諸生博洽古今老而彌篤性好編錄隱處不仕自號鳴巖
山人嘗云向平謂富不如貧貴不如賤此語尙有較量未能脫然於富貴貧賤
之外又云清事不可太著迹若器用必求精良飲食必求異巧乃清中濁也世
事惟偶然者最佳其志趣如此吟咏所適不求人知撰有金陵舊事二卷瑣事
十卷山中白雲一卷及尙白齋客談幽草軒集子夢熊亦有名同時江甯謝一
桂字芳孺一字天聘居高橋門暉嘗問以石馬冲石馬何代物一桂曰馬蹄皆
龍爪陳武帝陵前物也地名萬安營史云陳武帝葬萬安陵可據也又云蘆蕪
澗在青龍山亦可游覽惜路遠無知者又云雪浪宏恩言金陵諸寺佛像獨祈
禪寺爲冠工人最爲高手著有窳鳴集一日窳又黃汝金字西野溧水人亦博
學耽著述以山人自稱萬厓初與修縣志

張正蒙字子明江甯諸生居通濟門外曾灣臨河結廬柴門晝閉帶索拾穗未
嘗干人年九十餘猶能日行數十里不多飲酒而善飯如壯夫著有蓬蒿集同
縣趙子實性夷曠隱於燈工嘗游諸名山命童攜壚一釜一甌一秋菊英一瓠

自隨對客輒自炊手勺泉以供爐去薪用炭僅二斤許可供主賓一日聞者咸
高其雅而許其儉上海朱察卿爲寫作炊圖顧元祥王世貞等皆題之又張鈍
菴亦佚其名性耆書史善草書隱居不出三原王介菴莆田林見素皆重其爲
人

周相字東臬上元人通麻算占候之學歷官欽天監正加順天府丞嘗言候占
星宿不但知其分野度數其光色星星不同要須隔紙窗穿隙窺之一見其光
便知爲某星百不失一方可言占候耳又云知麻理又知麻數此吾所以異於
儒生知死數又知活數此吾所以異於麻官著有勾股測望論勾股容方員論
弦矢論分法論六分論子元師事何湛之章甫師事顧起元元舉萬曆二十三
年進士除安陽知縣卒官

謝儒江甯諸生能文并工醫遇奇證他醫不能辨應手輒瘳文徵明爲文贈之
同時許紳應天人以工部尙書掌太醫事嘉靖中宮人王金蓮之變世宗危甚
紳用藥下血而愈加宮保儒子日昇日昇子世泰字約齋存心濟物不貢報於

通傳十七

十五

人世泰子錫元錫元子與輝著有妙凝集與輝子珊字丹樹 國朝康熙時諸
生家貧力學每飯用左手以右手操筆設教治麓山房張秉亮何夢篆皆其弟
子也珊子燿亦有名通醫學著有外科或問燕貽堂稿燿子稼思字我同歲貢
生稼思子豫順諸生從子豫度乾隆五十一年舉人豫順子鼐字山疊鼐子蕃
字小山蕃子宜康皆諸生

論曰一所研窮經史著書滿家韜菴風雅自名游心物外詁鄰世舉賓筵谷口
好藏金石皆不隕家聲者也鶴邱豪誕吉甫淵博子明高逸各有其獨至之趣
周相謝儒以文通藝豈方術之士所可同年而語哉

金陵通傳卷十八目錄

第八十三册

李春芳子茂功 孫思聰等 曾孫長科 喬 信等 玄孫清等 清子枏

第八十四册

殷邁子序 慶等 吳自新弟自玄 汝琦等 自伸子 李逢暘楊希清 李登孫克
愛王元坤 陳所聞 叢文蔚 向德象父贊 王堯封

第八十五册

楊成楊沔 張鐸張蘊 顧昊 吳子其養 姚汝循孫世昌 廖文光朱潤身 鄭宣
光弟宗化 梁楹朱賢 張邦直 馬汝樵許彥忠 陸昌柳江 張傑
黃尙質金光初 尙質子應登 宋存德王敬民 曹存

通傳目錄



黃尙質金光初 宋存德王敬民

光弟宗化 梁楹朱賢 張邦直 馬汝樵許彥忠 陸昌柳江 張傑

黃尙質金光初 宋存德王敬民

光弟宗化 梁楹朱賢 張邦直 馬汝樵許彥忠 陸昌柳江 張傑

黃尙質金光初 宋存德王敬民

光弟宗化 梁楹朱賢 張邦直 馬汝樵許彥忠 陸昌柳江 張傑

黃尙質金光初 宋存德王敬民

光弟宗化 梁楹朱賢 張邦直 馬汝樵許彥忠 陸昌柳江 張傑

黃尙質金光初 宋存德王敬民

金陵通傳卷十八目錄

句容李氏傳第八十三

李春芳字子實號石麓句容人始祖海一居朱槿村曾祖某寄籍興化明史作興化人

此父鐘復返句容春芳少聰敏讀書崇明寺嘉靖十年舉於鄉二十六年成進

士廷試第一除修撰簡入西苑撰青詞被眷超擢翰林學士累遷太常少卿禮

部左右侍郎轉吏部拜禮部尙書時宗藩蕃衍歲祿苦不繼乃考故事爲書凡

吉凶大禮歲時給賜皆嚴爲之制帝嘉之賜名宗藩條例尋加太子太保命兼

武英殿大學士參機務生平恭慎不以勢凌人居政府持論平不事操切時人

以比李時才力雖不及而廉潔過之徐階爲首輔得君甚春芳每事必推階階

亦雅重之隆慶元年詔修翔鳳樓春芳曰上新卽位而遽興土木可乎遂止又

奏罷太倉羨金織造歲幣務以安靜稱帝意及徐階以人言罷歎曰徐公尙爾

我安能久居容旦夕乞身耳同列張居正素與春芳不協遽曰如此庶保令名

通傳十八

春芳愕然三疏乞休不允掩答款塞求封春芳偕居正及高拱卽帝前決之拱

既得志修階故怨春芳每從容爲階解拱益不悅時春芳已累加少師兼太子

太師進吏部尙書改中極殿度拱輩終不容已求去愈力乃賜敕乘傳遣官護

行有司給夫廩如故事歸侍父母晨夕置酒食爲樂鄉里豔之尋舊時讀書處

以玉帶付寺僧微時嘗戲題寺壁云年年山寺聽鳴鐘匹馬長安憶遠僧因建

玉帶樓焉年七十五卒贈太師諡文定著有遺安堂集子茂年字容齋尙質丞

茂材尙寶卿茂德山東運使而四子茂功最知名

茂功字季成號健齋生而穎異美容止豐下厚幹眉目疏爽骨隆隆起髮際初

以諸生貢國學旋廕中書舍人萬厯中奉命冊封衡藩諸所饋遺悉不受以病

乞南除南京都督府經歷就轉戶部員外郎嚴禁胥吏侵牟尋權稅杭州北新

關關故稱膏腴地奸胥張拱先以賄嘗茂功冀得穴以爲利茂功置諸法諸奸

乃大窘浙中牙儉往往停商貨而斲其直且半徵邸舍薪水費茂功廉得狀盡斥罷之關寺爲清既進郎中出知福建興化府始至值校士有借勢關說者拒

不聽捐俸入以葺學宮構講院請祀理學名臣八人表節孝三十人那有母訟子茂功鞠之實以貧缺養乃給以緡錢母子咸感泣閭里有少年聚眾爲豪俠行知縣上變上官命兵捕之檄茂功往治其事茂功歎曰是不過使酒博徒耳何忍驅之爲亂乎爲成遣一人杖數十人而釋之諸生蔡承芳與某有隙會其舍中兒死某遂誣告承芳茂功審死者父兄在也反其牘曰父兄不明冤而以譖入人罪可乎鄭東霖奴殺人獄坐東霖以家富莫敢訟言白之者茂功曰奴死人於市東霖耳目所未及猥云威力主使耶奴服罪而東霖免林棟與姪鬪未幾姪被殺求賊不得坐棟死以蔗刀赤色爲左驗茂功曰刀無新刃安能殺人且赤蔗色也奈何妄意塗中之藏而以人命爲戲乎諸所平反多類此往官有所需問市魁魁則取之市茂功令貿易者自詣府平賈市不知有官需自此始奸商擅鹽利其直以意爲高下茂功定畫一之價示之而窮民乃無淡食者莆田成卒餉不時給茂功力請以期至會有倭警卒感其恩亡不奮材官龔守忠健將也人謂宜留以自衛茂功曰軍書狎至豈可先身家而後邊圍哉卒遣

通傳十八

二

之值歲祲不待報即振廩食餓者夏苦旱齋戒步禱而輒應境有木蘭隄爲水所齧巫庀材築之隄以復固奸民倡種蔗之利以警民茂功痛懲之俾復樹穀焉尋乞歸茂功天性孝友當甲子省試時母徐疾病父趨令入闈甫入而心動亟投卷出則母已不能言漏下三鼓絕矣父身後廢次宜及茂功推以讓兄茂年既解組家居與兄弟觴咏竟日中外子姪競前上壽怡怡如也舊卜築城隅有園曰依綠至是復葺治之嘯傲其中後八年而卒子思聰字沮修自號再謫仙人自句容徙居金陵登臨咏古若將終身復留心時事著聞老鶴河江防城守等議凡爲文集十二卷堪輿十二種春芳孫又有思謨字聖彰工詩古文辭思訓字于庭著有晚好齋詩存思敬萬厯十九年舉人思誠字碧海萬厯二十六年進士官至禮部尙書思聰子長科字小有崇禎十四年歲貢官懷集知縣嗣京崇禎元年進士官御史巡按福建喬字子高一字松軒號玉峯萬厯四十七年進士除靈寶知縣歲旱喬竭誠祈禱雨卽大注入爲禮部郎中提學山東累轉河南按察使陝西布政使軍書劾午喬以一人理餉軍無匱乏尋擢巡撫

時寇氛甚惡喬兵僅千人督以勦撫斬三千餘級以父喪歸遂不起春芳曾孫又有長盛字傳叔官諸暨知縣明亡隱居教授長祚字延初崇禎十六年副貢爲河南劉理順所薦國亡亦不仕長順字天助長數字維凝皆崇禎中舉人能詩長標割臂療母不效以毀卒長倩字維曼思敬子崇禎六年進士唐王時官戶部尚書國亡仰藥死信字吾斯崇禎十七年歲貢桂王時官廣東和平知縣城陷與二子汎遠淑遠俱死署中一老諸生楊某曰吾亦江東文學也忍獨生乎亦死思誠孫清

清字映碧一字心水天啟元年舉人崇禎四年進士除甯波推官擢刑科給事中熊文燦撫張獻忠疏論其失策旋以久旱請恤刑忤旨謫浙江按察照磨未赴憂歸起吏科出封淮藩燕京陷復命南都進都給事中上言陛下自中州播遷後櫛風沐雨備極辛苦漢光武不忘麥飯豆粥唐太宗不忘質衣敝舍皆從安樂憶艱難以勵儉也陛下亦宜持此自勵則安不忘危侈源塞矣否則奢用必多藏多藏必厚斂厚斂必繁刑恐全盛之天下膏血亦殫况今日乎乞申節

通傳十八

三

內外廢無用之金玉罷不時之傳奉勿謂奢小而爲之勿謂儉小而不爲則宗社臣民幸甚又言當今各鎮爲自守計增設兵馬需求器械曾不念司農之艱各監局爲御用計增索金錢務求華靡曾不顧司空之匱且昔以天下供天下不足今以一隅供天下有餘乎乞敕各部察見徵之數通行會計量入爲出皆報聞又請裁宮中獸炭歲省千八百餘金嘗陳內治之規俱切中時事復請追謚開國名臣及武熹兩朝忠諫諸臣於是李善長等十四人陸震等十四人左光斗等九人並得謚旋請更思宗廟號修實錄及惠宗實錄允之未幾升大理卿遣祭南嶽南都亡歸隱棗園以著述自娛 國初屢徵不出閱四十年乃卒撰有三垣奏疏筆記南渡錄澹齋齋史論雜著正史外史摘奇女世說三餘瑣錄南北史南唐書合注諸史同異歷代不知姓名錄清諸從兄弟又有潛字啟美國子生著有葉間齋稿潤字朗玉著有芝媚集漳字虛生浴字子與皆能詩沛字平子諸生負才尙志以忠義自許著有平菴詩集澄字鏡月一字鏡遠又號鏡石 國朝順治二年舉人好遊山水詩文盈篋尤邃經學著有敦好堂集

沂字壺公一字艾山幼孤事母孝不求進取性和平坦易獨於名義無所假晚好道著有鸞鷟堂集澹一名景福字梅隱明亡不應試以隱終瀚字士翔一字籀史國變後爲僧諡字若金一字季子長倩子少負才名博學好古尤喜游覽雖破衣食之資觸寒暑而不輟舉國朝順治十五年進士自稱滄浪水樵著有礪園集妻徐字幼菘七歲能與父奕詩爲王士正所賞澄子儒琛字鄴如康熙十六年舉人瀚子國宋字湯孫號大村康熙二十三年舉人能詩著有蠓隱居集清子楨相

相字木菴初名葉字倚江康熙十一年進士初除檢討歷中允侍講侍讀庶子侍講學士內閣學士擢工部右侍郎命祀南嶽聞母訃歸起復轉左仍聽終制三十八年迎駕宿遷賜御書及蟒袍九月調戶部左侍郎奏請修高家堰俄充會試副總裁轉左都御史卒官著有藥圃詩存子炳石字存齋康熙二十六年舉人官中書著有花隱軒集相從弟棟字吉四一字松嵐父浚早卒母吳苦節教子棟栳皆成立棟著有楚芳草

通傳十八

四

論曰石麓雍容華貴務爲寬簡承平之良相也自乞歸以後高張當國操切之風作矣健齋循聲卓著尤以治獄得名其于公之流亞歟吾斯殉節嶺南不求苟活洵無愧世臣之胄焉映碧侃侃直言雖不及劉黃之風節然視循默守位者豈可同日而語哉

殷吳二李向王傳第八十四

殷邁字時訓一字秋溟號白野南京留守後衛人曾祖福祖晁父俸俱有隱德邁始受書即有志聖賢年二十舉於鄉以少失母居恆茹哀倍加刻厲肄業南雍與江西何善山游得聞陽明宗旨又從司業歐陽南野論道有當於心以爲非靜無以成學遂居山寺鍵關默養嘉靖二十年成進士除戶部主事改南京吏部進郎中遷江西參議轉貴州提學副使感疾歸杜門卻掃隆慶初起浙江提學歷四川右布政使擢南京太僕卿時馬政廢弛邁釐革諸弊民困以蘇尋移病返里萬厯初張居正當國欲引以爲重使操江王篆致款曰公幸前此言暫出當以大司馬相推邁不應篆曰坐久矣我飢公幸有以啗我復默然篆不

擇而去其子慶曰何介介如是邁曰江陵終當有禍篆非端人不可與作緣也乃拜南京太常卿就升禮部右侍郎管國子監事累乞休得請年六十二卒著有懋念室慾編逍遙訣測言停雲館野語山窓漫錄宦蹟自警墓在白家湖子序字汝明一字尙白嘉靖四十年舉人嘗築室近謝公東山盤桓著書有瞻東草堂集慶字子餘一字玄洲以國子生爲開封經歷自少績學工文辭美筆札沈越器其才以女妻之著有北山草堂集邁弟遷有才名遷子康字汝錫與序同舉鄉試仕至潭州府同知著有雲棲集序子士龍士騏慶子士繩字念祖後改觀頤字晉公少承家訓究心良知之學嫡母沈早卒生母周守志砥節士繩有孝名以諸生終士繩子宗琥宗璿宗琥字虎玉亦諸生能文

吳自新字伯恆一字韞菴江甯人祖節自祁門遷金陵父明德字子明號鳳洲應天諸生孝友純樸自新偉軀方面目光外見有威棱性復警敏取定向督學應天首拔之與論學卽通陽明之旨舉嘉靖四十三年鄉試隆慶二年成進士除都水司主事出董徐呂洪務審擇便利杜夤緣乾沒之奸先是自新謁選時

通傳十八

五

過徐驛役夫例應踐更其丞靳不予且呶呶出不遜語未幾自新以督河至丞其部下也置不校轉營繕司督工大內宦官無敢侵漁出爲杭州知府有勳貴匿重犯章某於家自新執其黨索之論章如法嘗按某豪宦罪當大辟上官屬其稍寬執不可又廉得滕某冤破械釋之滕危金爲自新像事之終身織府有金數萬前官多利爲私橐自新一一檢核不濫出入歲省數千緡人以其清正比梁材時有狂生以訟牒強干而不得乃乘自新宴客突入訕之自新第遜謝而已其德量如此擢按察副使備兵溫處海防肅然尤精法律能令老吏震懼加參政督儲先予之期無敢後者上計獨先他省進布政使主藏吏以餘金例進自新悉以充餉歲歉振卹有條遷太常卿尋以右副都御史巡撫河南宗藩驕橫自新選其俊彥爲宗學長始皆守法會陳卒諱餉立逮首事者誅之召爲南京刑部右侍郎卽與諸司約謹官箴慎交與簡聽斷尋卒官自新素敦孝友里中羨其家法好汲引名流所推轂徧天下取定向每日伯恆語默動靜無非學也晚好易宦邸搆洗心軒家有玩易窩又起萬卷樓以藏書刊友人楊希淳

李逢賜遺文著有韞菴遺稿大受錄弟自玄字遠菴亦從定向學自伸性並謹
飭自新子汝琦博學能文鹿門茅坤重之汝璟萬曆三十一年舉人汝璋亦有
名又同縣陳桂林字孟芳亦遊定向之門後以貢官於潛知縣建天目書院以
課士焉

李逢陽字維明號翰峯南京金吾後衛人幼端謹如成人盛暑衣冠危坐終日
無傾側容與人交誠意懇至爲諸生時府尹喻時延以教子出入未嘗左顧見
者肅然嘉靖三十七年舉於鄉丁母憂啖蔬處外三年隆慶二年成進士除戶
部主事改禮部進郎中詔選良家子備六尚職逢陽惟擇端淑者以進諸冶豔
悉斥之校試醫士以薺葉爲低昂長官有託亦不納奉命祭楚王歸卻其贖平
生篤於踐履不事空談見耿定向心服曰吾向來毫髮動止皆不是友人楊希
涪病疫親視湯藥或勸少避逢陽曰與道南同返亦快矣希涪卒未浹旬逢陽
亦卒年僅四十無子著有翰峯遺稿希涪字道南上元人初生之夕母夢笙鶴
羽蓋擁仙官人數歲詩文下筆立就年十四學使胡象岡賞其文造就常熟錢

通傳十八

六

有威學因得師唐順之皆忘年敬禮之節梁溪華學士家比歸贈白金置其書
篋中返舟卻之而去與逢陽相切劘動以聖賢自待耿定向督學南來聞其名
試學莫先於立志論大加矜獎由是得聞陽明之學一夕大悟曰道在此矣自
是與人論學直指心要素稱方嚴乃益和粹隆慶五年以補貢至京時方題貢
不得補禮部侍郎萬理卷雅重之移文定爲明年貢歸逾年病自知死期預爲
墓志曰我固無求者何必死後求人耶卒年四十二有僕周安江甯人初爲周
生所役生從諸儒講說安
時時竊聽拱身而立不
倦生物故乃事希涪講
學破寺中心地益開
希涪卒後投雪松和尚
爲弟子改名定林創牛
首華嚴閣焦竑爲作記
焉

李登字士龍一字如真上元人父探官長史母王章女嘗割臂療姑夏氏病登
生三歲而孤事母孝稍長者古好學精六書小篆學嶧山碑鐘鼎文尤妙旣補
諸生爲督學耿定向所重遂充嘉靖四十年拔貢旋除新野知縣至則勵士風
嚴考課歲凶設糜振饑復置義倉改贖銀令折穀以實之境屢患水爲築堤三
成梁一民賴其利以伉直忤時改崇仁教諭乃立社與諸生講明鄒魯之學又
以不能承事知縣某成邇當事欲伸登而抑某登自願去官以全之遂歸居林

下三十年自號利仁老生性友愛視子姪如一有產俱中分之修雍睦會以聚族人開建講堂四方向學之士歸焉又與姚汝循起白社經社遊社長于社同社耆舊四十人可知者王元坤陳所聞王文耀叢文蔚王元貞等輩其餘若陳武尚詩許恒吉薛德和孫謀徐文盛敬耕金鑿皆有傳若吳新齋朱養素黃叔初常鴻江陳翼善程精堂徐澤明孔魯川薛文居王肖淮王筠池羅惟一張五山鄭象老張鯨川胡楓橋王少石張陝南侯菊齋黃安值李軒山則皆未詳其生平也又有留聽文講榜嚴季朱山善歌潘虛舟鼓瑟汪潛夫張鄰虛彈琴登每與酣飲自適家有逸我閣嘗爲詩云云形雖在心先化玄髮俱絲骨近仙其曠達如此年八十六卒著有願學編寶唐語錄六書指南書文音義便考私編雜字直音治城真寓稿撫古遺文續古干文上元江甯二縣志其孫克愛字虛雲以孝友著與弟虛舟卜居長干之西俱工詩王元坤字德載南京錦衣衛人世襲指揮好藏書每展讀至夜分不休著有雅娛閣集陳所聞字蓋卿上元諸生豪邁不羈工詩識曲以抑鬱終著有蘿月軒集王文耀字少岡與所聞同縣善畫多收宋元名筆因結畫社於秦淮入社者多名流叢文蔚字翠岩與元坤同衛隆慶二年進士官烏程知縣罷歸游

通傳十八

七

覽青溪秦淮間年八十餘始卒王元貞字孟起亦上元人曾祖博祖世英字廷傑與弟世芳世萱皆有名父繼文字純夫一字南淮孝友誠信遠方爭欲識其面兄元中早卒元貞撫其子玉京如己出歲禋民疫道殣相望元貞捐金千計振濟瘞埋吳人朱慶餘遊南都疾及遺孤三元貞歸其喪而卹其子又修建支廟欲爲國家得偉人家秦淮上構閣名卧癡有桂園在迴光寺前嘗與姚汝循陳宏世柳應芳程漢漢字孺文由歙遷金陵生性簡傲目斜視須髯鬚鬚張見人輒自誦其詩年八十老於布衣著有柳塘集及顧體菴張白門王元崑等結詩社其中著有桂園社草臥癡閣集

向德象初名宸參字惟其上元人高祖輔賈於眞嘗傾賈佐邊節曾祖鵬隨父賈而死祖芳訪父墓留貴筑父贊字序伯因舉貴州鄉試仕至夔國知州聽訟明決旣而歸老金陵著有二淮稿德象少師事萬夢桂補應天諸生從耿定向及鄒南皋遊得聞論學宗旨萬曆十九年舉於鄉會試時草一疏論建文當祀通政匿之不報時惟國子生莊若華著信心草議與之同歸肄業南京國子監爲祭酒鄧定宇所知於有司無半刺于謁而里中利弊如戶部之庫役兵部之

斗級十八批解差與布絹之改折皆挺身上書當事改庫役爲顧役民解爲官解清軍納絹請政應時而定久之謁選得甯洋知縣或難其僻遠德象曰古之至人幾小國寡民以自試吾儒與小民相濡沫得微效其平生足矣旣莅任察民疾苦與之更始條十一事上之議倭者一議兵者二以及清軍積穀入計貢市諸務部使者嘉納以病求改教職甫抵家而卒德象內行純備爲世父暨及弟宸柳納室爲弟宸宸宗人義置產不少吝焉子明洫明淵孫廷耀皆能世其家學

王堯封字爾祝號華岡上元人幼慧父敬所愛異之旣補諸生督學耿定向得所對策拔置高等授以爲學宗旨萬厯元年舉於鄉十一年成進士除戶部主事進郎中其閒管黃土倉督清源鈔務監兌江西條上便宜十三事皆著爲令出爲南昌知府降許州州判州民苦糧多逃亡時值編審極意釐剔減下戶舊額民乃歸業豪民侵大吳氏陵奪而復之修許州志語客曰有此志不負此州矣擢知滄州復謫兗州府通判所至皆加意人才留心民隱志在革弊鉏好精

通傳十八

八

於法律而用之以道嘗言明豈能盡好要在執一實以御百虛法豈能徧有罪貴乎刑一人而萬人懼進南京刑部主事就轉戶部郎中拜思南知府乞休歸堯封性好賓客年尺不遺千里自守官以至歸田率以一日造請一日赴客飲一日召客酷者書緡閱購買無虛日入其庭後堂無絲竹密室無裙屐自架書外酒第其局而已爲文谿刻非細味之不能句讀士有持行卷造門者必束帶倒屣迎之逢人稱謝不置仲弟以貢爲教授族兄雙山名勳京師皆得揚扅之力也每戒子弟曰吾家世澹樸勿流於饒世清貧勿汙於利世讀書勿荒於嬉時以爲名言嘗欲著書論學條例已具會卒年七十一撰有學惠齋摘稿子廷鉉孫仁彪仁豫皆諸生

論曰自姚江以學倡海內誠明之旨與經濟相權衡天下翕然宗之於是金谿大盛新安稍稍衰矣夫朱陸本出一源考亭之派不善學者流爲褒衣博帶之積習故陽明得以良知勝之白野伯恆皆王學也而清介剛正爲世名臣翰峯道南因心得悟操守方嚴如真緯之以文章惟其勵之以氣節非皆蹈道之效

故華岡燭弊如神愛才如命躬行之篤老而不倦天臺之遺澤長矣
楊張姚廖鄭梁馬陸黃宋傳第八十五

楊成字全卿號水田南京留守衛人父寬官百戶與劉蒼趙經龔海相砥礪成
初爲武學生從趙經學以世職讓其弟武遂舉嘉靖四年文鄉試十一年成進
士除南京兵部主事進郎中出爲嚴州知府有政聲憂歸服闋補萊州知府擢
廣西副使遷四川左參政駐節府江御夷有法人相戒曰公劍眉鐵面不可犯
也歸里後咏歌自樂工詩詞一夕病中得白石清江一酒樓黃花無語對人愁
之句自知不起遂卒年五十八同時句容楊沔字東之號鶴臺正德十一年舉
人嘉靖八年進士除南京大理評事轉左丞出知桂林府蠻荒俗陋遴俊秀以
訓迪之蠻人羣聚爲盜諭以禍福乃解散擢四川按察使剛正有守藩戒怙勢
以法懲之尋卒子某號少臺官漳州府通判少臺子森字季玉崇禎十五年御
試以貢生賜進士官真陽知縣有惠政

通傳十一

御史巡按遼東規度要隘建諸臺堡積粟六萬餘斛爲預備倉後數年大水飢
疫賴此以濟歷官至副使卒後遼人祀之著有海岱秋渠二集子汝璧孫國治
皆有名與鐸同以邊才稱者高淳張蘊字一貞嘉靖中以進士官南京戶部主
事歷至懷慶知府均科額辨冤抑政聲大著擢山西副使備兵雁門時俺答猖
獗蘊至修城隍簡軍實寇不敢犯久之卒其孫司塔諸生博覽羣書明亡不應
舉著有林屋史鈔又顧昊字欽甫號石坡江浦人嘉靖三十一年舉人官嘉興
知縣禦倭有功歷至雲南知府蠻夷懾服著有詩易詳解四書語林挹青詩集
子其養字小坡研精理學

姚汝循初名理字敘卿其先元玉明洪武中以女侍內庭遂入錦衣衛籍

孝旌門之再傳生林林生昇昇生慶慶生鎬字隱泉汝循卽鎬子也身可中人

面上圓下稍銳白皙微須嘉靖三十四年舉於鄉明年成進士除杞縣知縣年

甫冠以簡御煩事皆辦公餘則與名士謝榛等分韻賦詩俄遷南京刑部主事

進郎中有奸僧不法置於理都人快之大學士徐階以異才薦擢知大名府禽

大盜蔡伯貫境內安堵郡故土城乃伐石開陶築牆垣以遏漳流其高倍昔後河溢水不得入會宦族子殺人汝循抵以法其黨騰誦京師隆慶初以浮踪降調民爲建生祠去思碑旣歸杜門十年著屏居集用薦起爲桂陽州同轉嘉定知州時越需用品饋餉于石瘴瘠乘之道殫相望汝循潛遣一吏齎銀往羅遙省千金全活甚眾撫按交薦值入覲之期大學士張居正以其過門不入衛之操江王篆嘗遣舟送入楚責不相謝構之遂坐驛符事免抵里者歸田集自以居近鳳臺別號鳳麓留心鄉里之事有丁糧議晚好講學嘗與羅近溪論明德之旨曰德猶鑑也匪翳弗昏匪磨弗明近溪笑曰明德無體非論所及且公一人耳爲鑑爲翳復爲磨者可乎汝循大悟又嘗論王陽明之學曰世以聖人爲天授不可學久矣自良知之說出乃知人人固有之卽庸夫小童皆可反求以入道此萬世功也時以爲篤論年六十三卒所撰有錦石山房稿又選金陵風雅集七十卷無子以兄璋子景春爲嗣景春字仲升生子世昌字克修有莊居在城東四十里山路犖確爲修道數百丈以便行人鄉里稱善士焉

通傳十一

十

廖文光字士龍上元人父經廣安州同有清名文光舉嘉靖十六年鄉試除清江知縣捕治嚴嵩橫僕爲巡按所薦升廣信同知有商被盜夢神呼之曰曷不訴廖青天乃投告卽獲盜進戶部員外郎工部郎中罷歸家居二十餘年嘯咏自樂卒年八十著有萬厯統天賦佐宜集子希元隆慶五年進士歷至貴州副使時不爲嚴嵩屈者又有江甯朱潤身字海峯嘉靖二十八年舉人四十一年進士嵩欲招致門下以廷試第一人餌之拒不應遂置二甲歷吏部主事兵部郎中出爲雲南僉事土酋鳳繼祖反設方略募死士禽之尋罷歸居天闕山植瀆茶名卉其巔至今名海峯茶所著有海峯稿其孫應昇字允升崇禎十二年舉人官寶慶推官

鄭宣化字行義南京龍江衛人因居獅山之下故號獅南嘉靖四十年舉於鄉四十四年成進士除袁州推官潔已奉公遷南京工部主事榷蕪湖稅謝請託斥羨贏就改吏部父憂服闋補兵部郎中清軍管襲替夤緣詐冒之弊時吏部侍郎王某欲以其甥百戶冒襲千戶覈罷之一日執政出片紙以錦衣某掌衛

事固陳不可激其怒出知邵武府有惠聲未幾卒官著有成趣園集三華館集
瞻紫堂稿灌月亭漫稿邵武名宦應天鄉賢並祀之

家人自福建歸攜一梘子
樹植之青翠可愛時人以

比甘弟宗化字尙德事繼母孝居喪未嘗見齒遊耿定向焦竑之門潛心理學
以貢選滁州訓導雖大暑不輟講學者稱明臺夫子宣化子元燿字美涵姚履

素壻也宗化子元厚字載之善導引術治病輒效與宣化同時有上元胡汝嘉

字懋禮一字沁南嘉靖三十一年舉人明年成進士官編修亦以言事補外仕

至山西參議文雅風流不操常律工草隸著有菑園集沁南稿

其墨蹟焦竑顧
起元皆有跋

梁楹字汝直南京府軍後衛人父八老以俠稱楹舉嘉靖二十五年鄉試選鹿

邑知縣以清慎爲民所懷遷知眉州境有玻瓈江其水湍悍轉徙無常楹乃修

臺頭堰斜截大江導使中流長百八十丈有奇不二月遂成轉湖州府同知終

荆府長史歸里後與南京禮部尙書袁洪愈結詩社有洛陽耆英之風同時江

浦朱賢字及泉嘉靖三十二年進士除永清知縣擢御史巡按貴州以風力著

道傳十八

十一

縣知縣潔已愛人致政之日貧不能歸禮部尙書姜某餽以金不受居鄉二十
餘年凡里中著作皆出其手子可聞字毓華萬厯中兩充副貢雅志林壑行有

古風可聞子達字木水孝友直諒崇禎十三年副貢國變後鍵戶不出以終

馬汝侯字誠望號鷺汀南京錦衣衛人嘉靖三十一年舉於鄉除慶元知縣歲

值贊造率胥吏盟諸神纖毫不假巡撫檄禦劇賊李文標滅之入覲過家遂謝

不赴買地城南瘞暴齒千餘具貸邵氏銀無券邵沒其家不知必致還之工詩

善畫年八十二卒弟汝衡字誠履號春江嘉靖二十二年舉人官桂東知縣同

時句容許彥忠字汝敬嘉靖十年舉人二十三年進士歷荊州推官禮部員外

郎河南僉事左遷湖州同知擢廣西參議乞歸囊中惟圖書數卷杜門課子陸

嫻任恤鄉里感之年踰八十卒彥忠孫堯咨字君疇事兄敬同居至老萬厯已

卯舉於鄉除雲南臨安推官以事罷歸著有閉居樂二卷

陸昌字希文六合人嘉靖三年貢生選臨朐知縣值旱蝗力爭於上官以全災

報得發粟振濟時議開採昌念民貧乞敝請封完洞口禁戢曠徒事遂已著有

什一集同時高澗柳江字朝宗由貢生歷官石城甯津知縣嘗平反馬省冤獄
首後以數百金爲壽江峻卻之江同縣張傑字世興性亦狷介以薦爲汝府審
理泄官十年卒貧不能斂同官贖金歸其喪又蔡銳字宜山一字抑之南京留
守左衛人嘉靖二十五年舉於鄉除通許知縣性端介不能俯仰當世改杭州
教授轉襄府紀善告歸愈貧年八十卒杭州有去思碑在學宮曹存句容人個
儻有大節嘉靖三十三年與同縣經儒周易俱舉鄉試選嘉興教諭諸生初食
廩餼例有贈金悉卻不受月課諸生鎖門如闈人稱嚴師仕終沔陽州知州儒
後官上猶知縣易後官思恩同知皆有能聲

黃尙質字宗商一字龍岡南京水軍左衛人高祖玄保曾祖勳祖隆皆有隱德
父銳以貢官邵陽教諭尙質舉嘉靖三十七年鄉試除劍州學正攝知巴縣會
妖寇蔡百貫作亂竭力捍禦境賴以安歷南京國子監博士謫江夏縣丞擢岷
江知縣驛有羨金歲終當輸縣尙質令存驛以減明年額派萬厯初詔雪靖難
諸臣尙質訪練子甯裔於廝養中爲立祠買田俾主其祀遷饒州府通判漁人

通傳十八

綱篋金千以獻尙質弗視曰此天所以資貧民也尋告歸布糲如寒素李逢賜
稱之曰不以身涉仕途而二其操不以中更坎壈而變其塞今見之宗商矣年
七十八卒與尙質友善者金光初字玄子一字子元江甯人先世自金陵遷吳
至父斗復還南京光初勤修者學手寫書數十帙明習世故胸中洞然而外若
不能言者隆慶元年舉於鄉歷官奉新遷安永平知縣嘗謂治民無他無擾之
而已所至鋤奸折獄咸當其辜入覲卒於旅邸尙質與焦竑斂之橐餘七金吏
胥聞之皆笑于山立山止山立諸生尙質子應登字徵甫一字少龍幼者讀萬
厯中以貢選德清訓導歷侯官教諭廣西教授瑞康愛士暇輒著書歸里與焦
竑其事纂輯授徒賣文以養親著有獻徵錄列卿記京學志謝山詩文草謝山
暇錄偶然語顧起元嘗云吾鄉著述之富無踰澹園與徵甫者其爲名流推重
如此應登弟應仕應升皆諸生

宋存德字惟一號育齋又號浴泉南京錦衣衛人先世以醫顯父博嘉靖十年
舉人官饒州通判存德舉隆慶元年鄉試五年成進士除安邱知縣裁賦酌役

民甚感之巡按以茂異薦為忌者所中左降浙江按察知事擢沈邱知縣治盜息訟經理水利轉工部主事歷刑部員外郎禮部郎中補福建僉事冒暑瘴卒性素孝友頎而偉立健談諧簡易直致人皆親之著有鴻雪稿子夢弼夢周夢鳳夢騎而夢驄最工詩與存德同舉進士者句容王敬民歷東昌大名推官入為工科給事中使朝鮮不受饋贈轉太常少卿徙大理提督南贛軍務巡撫廣東三年無風塵之警歸卒於家

論曰水田威重士鳴強幹有猛虎在山之勢安邊材也鳳麓士龍海峯獅南皆能不畏疆禦奔走權門者聞之宜愧死矣汝直以下諸人績著循良而希文不貪積利龍岡不受羨金一則智燭幾先一則清勵寮屬語曰處脂膏而不潤陸黃二君有焉

金陵通傳卷十八

通傳十八

弟作儀參訂男詒壽校字

三

金陵通傳卷十九目錄

第八十六册

韓叔陽 宗人孜 子邦本 邦憲 孫仲雍 仲孝 无疾 阮屋 子鳴韶 孫可教

盧璧 常信 張祥 趙經 子邦奇 陳九齡 弟九思 從弟九品 九成 九雲 弟藻 陳鳳 高遠 孫子允 從子統靈 萬善 從孫鳴

雲 陳芹 弟藻 金鑿 陳鳳 高遠 孫子允 從子統靈 萬善 從孫鳴

第八十七册


焦文傑 子瑞 竝 張文暉 李應時 鄭朝聘 雷孟春 朱衣 子之蕃 孫從義

余光 子孟麟 孫大成 徐鳳翔 鳳翔子開呂 陳元慶 顧國輔 子起

張振英 李俊 鄒景賢 鄧耀 沈天挺 洪寬 張一儒 孫起都 劉象元

國光 士傑 人龍 得勝

通傳十九目錄



... 孫起都 劉象元 孫起都 劉象元 ...

... 孫起都 劉象元 ...

... 孫起都 劉象元 ...

... 孫起都 劉象元 ...

金陵通傳卷十九目錄

金陵通傳卷十九

江甯陳作霖伯雨纂述

韓阮盧張趙三陳黃傳第八十六

韓叔陽字進甫高淳人嘉靖二十年舉於鄉二十六年成進士除浦江知縣升戶部郎中出知嚴州府會礦徒劫掠勦之轉劇叔陽謂宜絕其餉道可不煩兵而罷乃分捕諸餉者某御史之弟與焉按之不貸徒黨盡散有道士誣士子殺人又有弑母以誣富人者皆廉得其情論如法擢湖廣副使卒祀鄉賢及嚴州名宦宗人孜字勉之嘉靖三十一年舉人歷官郎陽同知知府某卒虧帑金五千兩孜代償之且隱其事尋擢南京戶部員外郎刑部郎中以事罷歸卒之日家無餘金叔陽子邦憲邦本

邦憲字子成幼穎異讀書日以寸計終身不忘舉嘉靖三十七年鄉試明年成進士除工部主事歷至衢州知府有惠政病篤猶強起書檄發粟振民卒年三十五衢人采銅範像立常懷祠以祀之著有高淳事宜議韓衢州集子仲雍仲

通傳十九

一

孝尤疾

邦本字子固性伉爽有俠氣縣故有虛糧爲民患與兄邦憲捐千金倡眾請減適夜歸遇盜將戕邦憲邦本請代盜義而兩釋之及邦憲卒於衢邦本奔赴諸司共致賻邦本曰不可以是污兄清白悉卻之後謁選得大甯都司經歷有治聲

仲雍字壁哉萬厯二十五年舉人三十二年進士除戶部主事權九江關稅勾算歷年加課力與中官校歲溢太倉庫銀七千餘兩著爲例歷遷至福建副使值日本島酋納款議者謂宜誅之仲雍曰殺降不祥乃椎牛醮酒以享之忽報東沙外洋有倭船仲雍命酋帥往爲之間生禽六十人獻俘軍門尋被誣罷歸著有在魯堂集

仲孝字君陳諸生性狷介知縣唐順之欲見之不可萬厯四十五年大祿上書應天府尹姚某請於常額外蠲三之一是夏羣鼠渡江姚某問以休咎仲孝援京房班固沈約諸書以對高淳無城有議築者仲孝作難城說以止之平生博

洽能文與同縣名宿秦尚賓李大化陳毓靈夏澹胡瞻王名世劉開槐結社唱和著有非齋集秦尚賓諸生有文譽與黃秉石友善李大化字噓雲文行兼美亦諸生句容孔貞運深重之

无疾字元長自號傭伯家有當岳園與同縣魏翰先魏生直魏吉凜水趙之驊江西羅高偈結文社於中稱湖濱六子著有師放居集翰先字賓起性孝友以崇禎七年歲貢除定武州判遷馬龍州同不赴國變後以隱終工書法垂老猶燈下作小楷云无疾子斌諸生同族與九以字行崇禎八年詣闕上書爲縣人請復改折糧米事得請次年又上書申言之未報客死於燕又一光字字登一字季字亦其宗也崇禎四年進士除御史豪貴相戒不敢犯巡按四川清釐積讞轉浙江僉事山東副使尋乞歸里居故事高涪錢糧官徵民解一光爲請於當事免其輸將之苦明亡後不復出一光子必成字南峙性亢爽不問家人生產工詩文面斥人過人敬畏之

通傳十九

阮屋字德載號鳳墩南京騰揚衛人嘉靖十九年舉於鄉明年成進士除浮梁知縣禱雨晴輒應轉南京職方郎中大璫夏綬盜孝陵樹按坐如律綬挾重賞求解屋太息曰三尺法安在哉拒之卒不撓改九江僉事以忤嚴嵩罷生平深於易既歸杜門著書年逾八十乃卒子鳴韶字聞夔年十三補諸生有神童稱以父爲當事所嫌不應鄉試潛心理學開講於瓦官寺受業者常數十人父母年幾九十鳴韶亦過七十臨喪之日辟踊號泣廬墓三年人稱孝子卒年八十七門人私謚端穆先生鳴韶子可教以武進士官守備讓良產於諸兄工醫崇禎中疫癘盛行活人無算明亡隱居終身年七十八預知死期而卒

盧璧字國賢一字玉田南京金吾右衛人身長面如之黃色古而硬嘉靖七年舉於鄉十七年成進士歷南京戶部主事洊升彰德漢陽知府入爲苑馬少卿性孝友父病以身禱親喪哀毀骨立居官常祿外不妄取及歸益窘杜門謝客生平峭直不媚一人辭色不苟動遵禮法夫婦相敬如賓子孫正衣冠而後見雅好藝菊宅畔有園花時召賓友吟賞其間年七十八卒祀鄉賢著有洽彰備忘錄關中集兩山墨談客中閒話其東籬品彙編則從堦常信感其知遇解寶

劍售之以爲刊資信字國寶南京興武衛人年十二父銘有疾籲天求代以善
大書從事南印局博學多才通醫理兵法并工畫積勞遷撫州府照磨知府胡
某重之事倚以辦花園港多巨盜信詭爲日者入賊巢閱其地形並籌安除建
置之計於是禽盜魁十三人巢穴蕩平又喜爲詩政暇輒與士大夫出遊吟詠
比聞母祁氏疾亟遂委手板歸晚年慕耿定向之學歎曰吾疇昔所爲殊孟浪
也著有同心北上撫遊振藻諸集

張祥字元吉號考堂南京錦衣衛人祖浩父春皆不仕祥少有文名以貢爲泗
水訓導就舉山東鄉試嘉靖二十年成進士除鄆陵知縣繕城濬河聲績大著
遷工部主事歷虞衡郎中有夜賚千金爲贖者峻拒之擢萊州知府招流民復
業亡命匿海島者時出剽掠乃設法防禁咸帖然受約束轉楚雄境有礦利絲
毫無染土官爭印據理剖決二姓毋敢譁入爲苑馬卿補洮岷副使年七十告
歸絕口不問有司事不起宴會但從所厚善濁酒豆羹懽然道故終其身無他
營獨著書卷丙夜不倦秉性孝友母唐早卒事女兄惟謹曰吾不逮事母事女

通傳十九

二

兄卽事母也年八十七卒弟祉以貢官教諭子照亦官禹州學正照子藩字茂
楚號涉園上元諸生博學能詩多識古文奇字著有渡江蘇田祠居等集

趙經字念溪上元人性至孝嘗兩刲股以療親疾嘉靖四十三年舉於鄉除費
縣知縣平礦寇以母憂歸起知延津巡鹽御史坐派數鉅萬民洵洵將遁經力
言其不便議遂格進太僕丞歷戶部員外郎郎中出知貴陽府中蜚語罷歸閉
戶卻軌課二子講藝手校漢書注考證精密子邦靖字鶴厓邦奇字鹿厓皆該
博而邦奇尤個儻自負才略以國子生爲瀋陽經歷萬厯四十九年瀋陽城陷
死之邦奇子子允性淡退不求仕進顧起元之壻也年八十餘卒子允子謙字
益之同字于野皆諸生

陳九齡字愛之高清人事繼母孝師某浙人死於高溘躬返其喪俄舉嘉靖三
十六年鄉試除宜春知縣抑豪右振貧乏省夫役革常例積穀萬餘石以備振
侃直不阿爲上官所忌罷歸究心聖學尤精易義卒祀鄉賢弟九思從弟九品
九成九儀孫調鼎字汝玉天啟二年進士除戶部主事督薊州糧儲常俸之外

羨餘悉充軍餉且以振民饑寒以不附魏忠賢黨出爲浙江僉事備兵金衢旋被誣逮問卒於京

九思字福之高澹官田糧重轡者僞爲民田田去糧存積通逃竄嘉靖十七年九思請於當事虛米悉得蠲除後歷官新鄉靈寶知縣有惠政子毓靈字自西娶妻不慧或勸更娶毓靈曰中饋之事已能任之如是而已不從人稱其義以諸生終

九品字惟擢事親孝性坦夷平時有齟齬之者諸子叩其人則曰而知之終將銜之無以爲也子時善上虞典史達善諸生萬善字可一號備我萬厯三十八年進士除金華知縣捐修學宮卻羨餘金遷戶部郎中值京師戒嚴分巡東直門恪恭將事轉兵部以瑄箴漸熾移疾歸道遙州里不接見達官貴人著有聖宗直指諸書達善子鳴雲字凌珠諸生有俠氣南都陷統將方某過高渚肆掠鳴雲任餽牛酒責以大義乃止縣賴以安鳴雲子京綬二綬亦皆諸生

通傳十九

衣粗食晏如也知縣某訪之遁去不見年八十四卒

九儀字惟慎以歲貢除永春知縣轉紹興通判永民作甘棠亭立碑以志去思及歸建怡怡亭與兄九成爲白首懽年七十卒

陳芹字子野號橫厓南京羽林前衛人系出交南國王永樂中避黎氏亂來奔遂家金陵十歲能詩才藻蠡涌傾倒坐客乘興爲竹醉墨淋漓文徵明嘗戒門下士往南京慎勿畫竹

彼中有人也甫冠舉嘉靖十二年鄉試選崇仁教諭知縣某嚴刑急斂眾大譁有二生素忤知縣知縣遂揭於諸司誣以鼓眾芹執不遣曰二生若以別情取戾則憲約有二等簿在豈敢輕縱今令長一邑不能禁民無越志而謂倡自二生芹司教而坐視誣陷是不得其職也理與勢皆不可踈上當道是之二生遂得免擢奉新知縣調甯鄉涖官九十日謝病歸卜築新林別業又爲五柳亭邀笛閣於秦淮招延勝流金鑿盛時泰等結青溪詩社凡居家十五年未嘗履公庭談時政著有鳳全堂稿子野集忠孝說義和寒山子詩思古吟弟藻字子文號蒼厓上元諸生家貧煮酒一日囊僅一錢市酒飲之作詩以自嘲焉金鑿字

在衛上元人初習制舉業已而棄去習詩歌洞解音律性俊爽好任俠結交四方豪士往來淮揚兩浙所至輒倒屣迎之嘗渡江同舟一人有飢色無渡錢變代給飲食之後數年經真州見其人以徒繫驛訴曰得十二銖卽脫矣如數子之未幾至楚遇盜登其舟已傾篋有呼者曰此我恩主金先生也奈何劫之遂還所掠而去又嘗與盛時泰期於城南高翁家天寒且雪久之方至翁問曰君方有事娶婦何能來此鬪大笑指杯酒曰事孰有大於此者乎談笑移日乃歸其風尙如此年九十餘卒著有徒倚軒稿蕭爽齋詞稿棲霞山志鬪子冊丹皆知名丹字赤侯以貢官訓導著有赤侯集

陳鳳字元舉一字羽伯南京太醫院籍父逸老年九十有隱德鳳生平好學工詩顧璘家居立社與謝少南許穀金大車等以少俊從游又與高遠馬應龍爲詩友俄舉嘉靖四年鄉試十四年成進士除南陽推官府有疑獄久不決鳳至原情核實釋之人稱神明改彰德轉刑部主事署中有白雲樓日與羣僚唱和其中擢江西僉事四川參議調陝西聞邊警冒暑抵慶陽扶病經畫以勞卒官

通傳十九

五

著有清華堂擇存西臺雅集欣慕編大事記舟談高遠字近思號致菴江甯人嘉靖七年舉人官汝州知州著有飲虹稿馬應龍字承道一字南江上元人其先自西域來居國南之里父鑑字大昭自稱卯素翁善醫老而有嬰兒之色應龍工四體書嘉靖十二年與范一清張銳俱以同得貢後官知縣

黃甲字首卿一字鳳巖上元人嘉靖二十二年舉於鄉二十九年成進士除吏部主事進郎中左遷運判歸岸然以文章自負於書無所不讀旣以才取忌閉門手一編取酒獨酌性素寡諧與在還者不過二三人自號蟄南山人著有鳳巖編年稿獨鑑錄子祖儒字伯肇有諫鳳巖集戊儒字次著有兢辰齋集方儒字仲坤有陌花軒小集曲巷詞餘復儒字叔遯有振秀閣集兄弟皆以才著而復儒尤知名同時吳棟字隆吉應天會同館籍兄松字盛吉號石巖有時名棟以拔貢生舉嘉靖十九年鄉試明年中副榜進士官廣州府同知罷歸無復宦情當事招之答詩云伊呂好憑公等在漁樵合併此身閒著有白灣集

論曰高渚韓氏世濟其德出則有功蒼赤處則加惠鄉閭阮鳳墩強項著稱而

子承之以孝或庶幾焉盧張趙陳內行聿修仕爲循吏所謂求忠臣必於孝子之門非耶橫厓羽伯以文章飾吏治黃蟄南獨爲時忌過與不過莫不有命存已

焦朱余顧傳第八十七

焦文傑字世英先世有名朔者明初隨大將軍徐達敗元兵白溝河太祖召見奉天門賜名庸子副千戶世職遂爲南京旗手衛人傳襲至文傑伉直不欺通州吳主簿寄八百金忽暴卒吳家人不知也文傑舉還之仍護歸其喪嘉靖中振武營兵變羣起攫賞文傑按劍戢所部無敢譁人服其整性尙風雅與張文暉等交遊唱和焉文暉字孚之一字華字上元人父鏜居北門橋豆巷堪輿家謂曰此地合出鼎元所謂一灣辛水向西流也未幾文傑來居之而竝應其占文暉工吟詠亦旋舉萬厯十年鄉試二十三年成進士歷南京戶部主事台州知府長蘆運使罷歸別購徐氏杏花村園居之鄰人強與爭一樹老僕不從文暉止之曰家本軍衛三百餘年屬魏國公治下我偶得一官分買其園心頗不安又與人爭樹乎王孫不能守其園我之子孫能保此乎遂讓之周暉陳所聞稱之曰達旣得是園顏之曰佚或曰不祥佚人失也未幾遂卒著有應閒齋詩集霞起閣文集文暉弟文曜字弦吾博學高才後進宗之文傑子四靖襲千戶舊字沂川而瑞竝最知名

通傳十九

瑞字伯賢一字鏡川與黃尙質李逢暘鄰居友善家貧授徒爲生校課嚴密尋以貢生除靈山知縣縣舊產熊膽天竺黃花石諸物上官不時徵取瑞皆力拒之時一條鞭法已行縣以僻遠里甲之供如故瑞卽罷其征境多盜瑞練兵以銀爲的中輒賞之士卒競勸推官劉某捕盜被執瑞率眾往援賊皆羅拜瑞諭以威德賊遽斂去遂救劉還縣民葉龍葉鳳以爭產訟瑞泣諭之乃止張居正當國賦斂嚴急州縣務爲刻深遂以疾告歸徒步謁上官不復乘靈山輿矣歸之日囊餘入金皆曩時射的也未抵家卒塋李應時字維中水軍右衛人幼從瑞學博雅能文侍父賢疾顛北斗求代宗族有貧者時割所積賞予之以國子生終

竑字弱侯初爲諸生有盛名從督學御史耿定向學復質疑於羅汝芳舉嘉靖

四十三年鄉試會試報罷還定向選十四府名士讀書清涼山麓崇正書院

光一線以竑爲之長萬厯十七年始成進士廷試第一除修撰益討習國家典

章大學士陳于陞議修國史欲竑領其事竑遂謝乃先撰經籍志復爲具凡例

輯諸名臣家乘碑記爲獻徵錄館亦竟罷翰林教小內侍書率視爲具文竑獨

曰此曹他日在帝左右安得忽之取古奄人善惡時與論說皇長子出閣竑爲

講官竭誠啟迪嘗講次羣鳥飛鳴皇長子仰視竑輟講肅立皇長子斂容聽乃

復講如初又采古備君事可法戒者爲養正圖說擬進之同官惡其不相聞目

爲沽名竑遂止竑既負重望性復疏直時事有不可輒形言論政府亦惡之尋

以主順天鄉試取文險誕被劾謫福甯州同歲餘大計復鑄秩遂歸生平博極

羣書爲文典雅以倡明聖學爲己任與江浦雷孟春鄭朝聘應天孟繼孔相師

友四方同志者論道無虛日既屏居里中不以一事干當途而於利弊疾苦則

多所陳畫且善識時變當倭入朝鮮中外爭言戰款竑曰倭不習中國閩浙人

通傳十九

七

導之耳燕人不習倭也何導之從無張皇搖人心居一年倭遁去楚宗人戕撫

臣誅譴徵調往來絡繹竑曰此尺一可解耳已而果定南中勳臣龔替竑請以

留京兵部黃底審覈得免北行之苦浦口屏蔽南京竑語守臣築城以固藩衛

句容將開河直達白下竑謂都城陵脈不當輕動乃止其決機成務多類此年

入十卒著有易筌禹貢解考工記解俗書刊誤遜國忠節錄詞林歷官表玉堂

叢話京學志金陵舊事老莊翼陰符經解筆乘類林支談弱侯問答澹園集天

啟初以先朝講官恩復官贈諭德賜祭廕子福王時追謚文端雷孟春字三陽

母性嚴急能先意承志既從竑遊研精理學子應時官定州知州以廉正稱鄭

朝聘字良嶽以躬行實踐爲主善於講學著有廬言家範卒後諸生立祠石蹟

橋祀之子繼蔭繼襲繼藩皆諸生繼藩字康侯明亡爲僧孟繼孔字春沂南京

太醫院籍少習舉業博學能文晚工醫著有幼幼集子景沂亦以醫傳竑子尊

生字茂直萬厯二十五年貢生尊生弟周字茂懃事父孝舉萬厯三十一年鄉

試博洽好古不干仕進著有說楷七卷周弟潤生

潤生字茂慈號隨園

園在東冶亭顧起元有詩詠之

十歲卽能詩十八補諸生以二兄先卒事

親尤孝妻殷開封府經歷慶之女有內助天啟初以蔭爲南京詹事府主簿遷太常典簿轉北京中府經歷掌各城鎖鑰值都城有警晝夜巡邏貪功者多貪閒謀以獻潤生察七人之誣出之調戶部主事督甯遠餉無尅減無濡滯軍中大和還部除雲甯曲靖知府時天下已亂留子綱於家攜妾周及綱子誠往桂王時孫可望自蜀奔黔浸淫至滇曲靖爲兩省門戶城中僅守兵百人甲械不備潤生乃募壯士八百人部伍城守甫畢賊已至營於北郊潤生乘其初集秣馬蓄眾親率五百人直入賊壘自夜達旦斬首二千餘級還賊懼退三十里軍於霑益州境未幾大隊至復進圍城盡力攻擊潤生寢食城上親冒矢石指揮堵禦凡五十七晝夜城中火器盡眾猶堅守潤生乃集壯士告曰今賊勢盛戰亦亡不戰亦亡與其城陷授首於賊何若背城借一死於戰場爲忠義鬼不尤快乎皆曰諾遂飽食率八百人乘黑夜大雨直搗賊營賊因雨不備皆酣睡驚起自相殺遠賊十三營殆遍凡斬首數千級比旦賊知官兵少大集圍數匝潤生率眾斫陣出壯士盡沒於陣僅存十三人擁潤生入城賊攻益力而乏餉不能守潤生冠帶北面再拜曰臣力竭矣妾周亦從死桂王贈太常寺卿諡忠烈至國朝康熙中曾孫君萬始得迎喪歸綱字尙之福王時磨戶部主事遭變感愴卒誠字子和誠弟訥字子厚君萬訥之子也竝從子德生

通傳十九

八

德生字茂孝哲子也母胡以節聞兄泰生隱於酒德生遵母訓篤志力學名譽日起補應天諸生崇禎十四年以疫卒妻韓國藩女撫孤纘緼成立纘字密之江甯諸生緼字裕之武舉人先後病逝纘妻張緼妻盧俱守志攜幼子渡江守田舍焉又有名績者字嗣之不知其所出官至總兵宗人夢熊字毅之歷掌南京前後府事加太傅福王時馬阮用事不得與當世務國亡盡驅姬妾散家財悲感而卒無子

朱衣字正伯號杜村先世由荏平徙實南京遂爲錦衣衛人父怡松有隱德衣少與楊希瀆焦竑金光初同遊以僞僞稱舉嘉靖四十二年鄉試除臨淄知縣縣多遺賦衣令里各置贖民自封投賦更早完憂歸服闋補房縣房故嚴邑知

縣多被訐去訟牘填委衣至斥訟師鈕強猶月完積案七百有奇有巨堰爲豪強所據擁水專利侵害民田衣多方疏築歲灌千餘頃遷沅州知州將去會礦徒作亂巡撫檄衣往治衣輒下令日持鐵者賊空拳者民餘黨解散乃獲倡亂者誅之沅近土夷防守兵以餉不時給將爲變報至衣曰非反也迫於飢耳先遣牌撫之期翌日予餉眾疑信聞而餉果至亂遂息禽其首四人寘諸法爲上官所忌遂乞歸喜置名人書畫古玩蒔花卉以自娛工詩詞嘗與顧國輔李登吳自新遊城外諸山輯其詩曰雨花編子之蕃

之蕃字元介號蘭嶠幼即穎拔能文善書并工畫舉萬曆二十二年鄉試明年成進士廷試第一授修撰出使朝鮮賜一品服遇屬國君臣嚴重有體事竣卻贈朝鮮人服其清尋充會試同考官拔名士許癸等十人轉翰林院掌院學士進南京禮部右侍郎攝工部有欽堂在朝天宮下議徹之逐其人舊例拜表迎詔由禮部至三山門而官道受侵久之化爲隘巷之蕃力廓清之生平坦蕩簡易不設城府居官立身則和而能介家本素封既貴悉以產讓弟且爲婚嫁其

通傳十九

九

子女卜吉壤以葬叔父父執死養其妻子其老而貧病者以宅居之他所緩急類如此會丁母憂遂不復出構小桃源於謝公墩北積鼎彝書畫其中嘯咏自得不干津要龍江關有蓮蕩築圩種柳葺而居之病革謂其子曰人生聚則爲形散則爲氣一去來閒耳問以後事不答而逝著有南還雜著蘭嶠詩文集弟之翰字元宗之士字蘭室善畫山水花卉以諸生終之蕃子從義字無外性孝友雅修自飭以廕入國學後官至浙江溫台副使居官勤慎不染一塵金石圖書摩挲不輟詩畫俱有父風

之士子從廉從潔從

廉之子草生皆見家乘

余光字晦之號古峯江甯人嘉靖十一年進士除大理評事著兩都賦以獻賜鈔千貫擢御史疏請復祖制以輔導太子報聞又疏議安南貢固不庭郡縣其地終難於守不如止責其朝貢若必欲郡縣之尤當豫爲布置密諭兩廣雲貴積餉儲軍俟兵糧充足命帥率領分爲三隊兩廣一軍自龍州趨分茅攻其北雲南一軍自沅江趨老撾攻其南貴州一軍自金筑入其西閩廣舟師則由海道直搗其腹可不戰而破今不爲進師克敵策而先遣官體問不爲儲糧練兵

計乃遠與戎萬里是教叛者設備而先搖動我士民也臣愚以爲不便抑臣聞智者不獵狐而棄殺仁者救同室而舍鄰今吉囊猖獗寇在門庭宜及此蓄威養氣推恩鼓士一戰破之以保百年無事既破吉囊傳檄交趾虜不從矣又疏言當今重文賤武將卒無用兩京圍營虛糜俸糧邊備廢弛國之隱憂廟堂諸臣膜不關心遼東京師外捍災不加恤驕將肆虐勢且逼而爲寇陝西河套沃壤不宜輕棄以齎盜糧不報出按山西舉劾嚴明其後京師土木繁興方士進用致祭雷壇皆上書力諫差竣還都值夏言當國引嚴嵩爲禮部侍郎光勳嵩內險外鄙國之蝥賊奈何以清要之地滋蚤緣之階宜亟罷黜勿使干政又上言書謂嵩以胥壬取媚恐如寇公見欺丁謂悔之何及復作詩諷之嵩銜益深旋出按廣東會將討安南上言黎氏魚肉國君在陳氏爲賊子抗拒中國在我朝爲盜魁今失國或天假手莫登庸以報之也自宋以來丁移於李李奪於陳陳篡於黎今黎又轉爲莫欲興黎氏勢必不能臣已遣官責其修貢道里懸遠往復陳請必失事機乞令臣便宜從事詔下兵部給光輕率尋命典鄉試進試

通傳十九

十一

錄嚴嵩密劄摘奏其誤被逮削籍歸丁母憂悲痛卒著有古峯集子夢麟

孟麟字伯祥一字幼峯少孤母黃苦節課讀孟麟亦純孝生而骨法清奇冲夷伉爽之氣得諸自然工詩善奕與焦竑朱之蕃顧起元遊舉嘉靖四十二年鄉試萬厯二年成進士廷對第二除編修充纂修會典官母疾乞假歸侍衣不解帶踰年母卒哀毀盡禮服闋歷官南京國子監司業詹事府洗馬掌翰林院事侍讀學士南京國子監祭酒耿介自持不事權要乞休後遨遊山水間宏獎風雅不以齒位驕人年八十三乃卒著有餘學士集雅遊瀾子震鳴國子生力學早逝無子以外甥徐大成爲嗣

大成字集生祖紳父養正兄鳳翔大成既繼爲孟麟孫遂改從余姓萬厯三十四年舉於鄉明年成進士除戶部主事歷員外郎轉兵部郎中出典雲南鄉試調掌職方當明中葉國家無事重文輕武參游以上必由職方推舉各有額規名曰謝缺諺曰天上玉堂人閒職方言坐享富貴也大成疏言邊學之起實由債帥始以賄得官究以官酬賄更兼權貴請託皆庸鄙私人國威莫振請自今

凡有薦牘謝缺之類許臣指參報可於是舉劾無所避魏闖專政養子梁朝柱欲令推總兵不從島帥亦忠賢黨解夷俘至欲張其功大成審實爲降夷疏請緩戮以是積忤忠賢時新建三殿升梁忽奉旨命職方取班軍三萬供役期次晨點集誤者斬忠賢按至日夕方發蓋以京軍散處不能卒齊將以後期殺大成也將領部曲素感大成奔走相告曰速救余職方不半夜俱集忠賢計沮銜益深俄坐事削籍歸忠賢遣邏卒尾之又屬方士附舟探意無所得反以情告崇禎改元首徵大成仍任職方歷尙寶寺卿遷太僕疏請易守將修邊牆部議格不行二年北騎果從雲鎮入薄都城上怒下兵部尙書獄機務獨倚任之解嚴後敘功第一懇循例謝職方事許之遷太常卿大成凡四任職方中外秉成忌者日盛獨以孤忠見諒於上每曰朕知余道人日消三文錢豆腐耳御書清執二字賜之值中原盜熾除山東巡撫招降巨盜宋尙營等帝嘉其功賜勅獎諭俄登州巡撫孫元化麾下兵變大成方以疾在告聞之帥兵往援移文登撫合期進戰而登撫誤納賊黨內應而城陷遂與元化並逮坐以所轄一鄉被掠

通傳十九

十一

罪刑部尙書胡某議駁曰叛者登兵陷者登鎮釁起於登而登受之登而無撫不能爲大成寬登而有撫大成非始禍之人況力疾追賊縱一鄉被掠何至引失陷城池之例給事中馮應京疏救亦不省當獄事急眾莫敢通問唯陳元慶奔慰遠送之是冬以事至京復入請室留宿三日人咸義之已成大成電白海寇劉香老作亂廣東總督大懼求策大成馳書鄭芝龍令其赴援芝龍素稔大成急調舟師至一鼓禽之總督攘爲己功竟不得敘未幾赦歸起戎政侍郎不就壬午夏取生平奏議諸稿悉焚之曰國事去矣一場癡夢有何益哉越數日端坐而逝大成自羅瑯禍後專講性天置生死於度外及謫粵召公學士競執弟子禮賜環卽入浙之橫山建光明臺將終老矣鄉士大夫思慕之三往迎乃歸散先世業振粥救荒創竹西書院於馴象門外集四方名士講學與應天府尹張瑋等子夜衡文名曰觀社供億三百餘人貧者加給薪米焉素好奕有上元陳翼飛周廣同稱國手嘗製圓奕爲之圖說翼飛爲題詞廣跋其後圖說略曰奕者易也奕之爲數易數也數始於一一極數也八卦數也九洛數也十河

數也夫奕縱橫各十九其河洛乎於縱橫之中得一焉黑白共之其太極乎環中爲宮而次一得八其八卦乎次二二其八次三三其八至八路而八其八以當六十四卦乎引伸觸長又增一八以當七十二候乎通計九路之八凡三百有六十以當期之日乎三百六十而又一其歸數於極起數於閏乎此易數也亦天象也然而方之則象不著而數亦無統余於是規而圓之圓之而嫌十九路之遞增者勢相齟也則一經一緯於四隅環合之會仍倚圓之者而方之圓之而嫌縱之橫之者之若斷若續也則於縱之畫陽之橫之畫陰之圓之而嫌四隅之易面而不知也則以如環如玦者連亘四鄂以斜貫於中宮而枝汊之蓋自是八卦之分隸九宮也乃不違先後天圓圖之本旨也而黑白子之爻布於一局也乃如繁星之麗天也而宅中者一環衛者九居然以一君二民示王者之無外而無復有狡焉方行於一隅以相角觝者乃所以大一統也其因技見道如此又喜談禪翰墨多以夢名著有龍湫殘夢雜夢壑夢腐夢諸集徐鳳翔字君羽一字颺岐上元人萬厯二十八年舉人三十五年進士除閩縣知縣

清惠得民擢戶部主事管理銀庫釐弊卻羨其門如水子開呂字起渭諸生高邁不羣明亡匿迹不出有達官聞其貧欲招置幕府開呂笑曰是將代蔽蔽以餽餼也拂衣去竟以窮卒鄭篋藏其集欲與張觀詩合梓不果陳元慶字允嘉江甯人六歲喪父事母孝母邁危疾者再皆禱天乞代尋舉萬厯四十二年鄉試除湘陰教諭改滁州學正喜讀書談名理已擢上饒知縣曰吾母年八十獨子養親非王制乎乃陳情不就築室雞鳴山麓性孤介旣得義俠名遇俗士或倚酒肆罵三十喪妻遂不娶子大韻字二友一字寶箏早慧工詩文好交遊嘗與路汝前汝捷李敬在祈澤寺龍池側栽四柏樹畝清泉以結盟焉大成子一唯字貫之三復字半子四教字子以五美字尊之俱有文名而二聞最著二聞字未也號補菴國朝順治七年恩貢選襄城知縣著有史測八編中庸大旨南華奧旨唐詩嘯易原二聞孫邁字公曙亦風雅廣交遊字公沛誠樸無外慕甯烏龍潭側濟生菴坐臥一小樓六十年不入市居平藏一琴長尺許不肯爲人彈或竊聽之以爲首節迥異年八十餘其從子離斯亦年七十侍之如

慈父未嘗敢懈焉

顧國輔字惟德號毅菴南京金吾衛人大父方竹少孤鞠於張遂蒙其姓國輔舉隆慶四年鄉試萬厯二年成進士除刑部主事時張居正當國吏務操切國輔獨緣情以傳法會同舍郎疏攻居正不奔喪居正並嗾國輔而國輔探履清潔無所中傷已兩遷至郎中屬當慮囚國輔有所矜釋居正不憚夜漏三下使問尚書囚罪狀國輔親抱牘往辭反覆甚辨居正不能奪而罷尋丁父憂服闋赴官首揆門下客有以私謁昭國輔者國輔謝不往出補襄陽知府境久旱疫大起國輔首議振卹卽日大雨五歲五稔河南流民就食者數萬國輔多方活之且爲具資遣歸三年而鄖陽兵變襄卒亦洶洶思逞國輔諭以大義迄不敢動往者襄民有罪輒跳匿王府中莫敢誰何襄王雅重國輔數戒校卒舍人兒毋飢法任滿擢浙江副使備兵甯波汰老黜貪薦才勵勇以大計罷歸久之詣京師請復顧姓吏部廉昔被誣狀因起知寶慶府至則擘畫如治襄時適歲饑上官議糶倉穀國輔謂往苦饑者春夏之交爲甚今迫冬計民間私儲可互買

通傳十九

三

易以濟脫盡糶常平恐後不可繼也未幾疾病猶削牘不休遂卒於任國輔奉父母極孝世父老而貧其子不能養爲置產以給衣食張氏子赤貧周之無倦性坦率人受其德後悖之者亦不以介意雖致位通顯而服食儉樸居鄉與張少橋陳達夫朱虎巖交游唱和著有雨花編子起元起鳳起柑起貞

起元字太初一字鄰初少好博覽王可大以女妻之萬厯二十五年舉於鄉明年會試第一廷對第三授編修具疏陳祈天永命事宜六條其一親郊祀略曰自皇上靜攝以來大祀之禮遣官恭代者幾二十年矣圭璧在陳肅雖在列豈不稱無闕事然人主事天猶人子之事親也子之事親爲之潔三牲五鼎以養之尤必爲之躬擊跽曲拳以進之然後情文備而誠孝孚使第陳牲鼎而以饋獻之事假之於人其子而誠疾耶則父母舉匕之時固惻然而不安矣其子而非誠疾耶則父母舉匕之時未有不愀然而不樂者也由此觀之郊祀之典豈可以遣代爲常哉伏望皇上於明歲躬行二郊以承天眷夫天心仁愛本同父母望其子而不得見久矣使一旦見其奉觴上壽有不大爲忻豫者耶則所以

錫無疆之壽衍無窮之祚端在皇上一執七鬯開矣其二培祖德略曰皇上之天下祖宗之天下也重熙累洽二百餘年集其慶於一人非祖宗積德之厚何以致此然歷年既久則祖德之厚者浸薄矣夫苟當其始薄而有以培之則薄猶可復厚苟乘其薄而更剝削之則薄者有立盡已耳至於盡而天下之事遂不可言臣願皇上之無忽也今海內雖號晏然而天時人事職思其憂國勢人心大非其舊德澤壅而不注法度尼而不行曹局有離邊之名綱紀無紐結之實其病使扁鵲見之有望而反走者矣伏望皇上下大奮乾剛瑩精治理移琦璋之好以凝習政事輟遊宴之樂以咨求故實疏滯底滯之德澤整頓頽敝之法度如理身者借滋補之力以固真元而不廢攻伐之用以消客氣庶祖德之厚者以有所培而不至於薄而天下可享百年無事之福也其三舉賢才略曰伏見近年以來人才之困頓淹抑極矣推升而用者五不得一也行取而用者十不得一也斥逐賜環而用者又百不得一也夫可用之才已少矣幸而得之尤必翦拂以發其精神籠馭以壹其志意今乃使之徘徊於或進或退之間躑躅於若棄若收之際又或不程其言之是非不量其人之純駁而槩以一切之法錮之終身此何以盡人之才也且夫銓敘之法所以貴無壅者何也蓋欲使已往者不灰志於倦途方來者得策足於前路也今壹意摧抑之已耳致嚮用之才久不解約結之胸待用之才預已消邁往之氣豈不深可惜哉又非獨於此也上之意向既異下之心志遂分許而不與久淹者既伏櫪與悲求而不得速化者或彎弧欲射率此而不變不惟無以成人材抑且有以敗人才矣謂宜於員缺之推舉者亟允遷補中外之考選者時賜舉行錄放逐以振淹釋縲絏而使過使士大夫鬱氣稍舒共洗濯其精神以營職事此最今日之首務也其四恤民隱略曰自開采征權以來民心之怨咨甚矣寬卹之詔反汗而未肯渙也停止之令屯膏而未肯下也日復一日年復一年虎狼之齒牙未厭黎庶之骨髓已枯矣自古人君所以失民者非必家被虐而人中毒也惟其所行之一二有以傷羣心而賈眾怨則海內起而叛之有不知其何以響應者人心之可畏固如此也今言釐稅之害者數引斬木揭竿以爲鑿而變未有端皇上且以若

屬徒爲大言以聳聽矣加以徐穎之盜旋就撲滅其言益無驗而不知人主之防亂也不惟其迹惟其心夫窺關號澤之事何所從生則憤懣不平之心所激而成也今民心旣已離矣海內脫有風塵搖之者臣不能保民之不爲駭鹿也臣以爲宜亟沛德音將礦稅諸事盡行停止使民心之渙者復合而伏莽之奸無所借以首難是在皇上一反手聞耳其五清刑獄略曰夫獄者天下之大命也上帝好生於人尤重今自鎮撫司以及刑部逮繫諸囚不止數百人矣其間竊直之吏以觸忌蒙誅廝役之人以忤意罹罪其勢誠急其情誠可悲也近年以來數下停刑之詔皇上之心於法當其辜者猶欲爲延須臾之命豈其無罪無辜而欲斃諸縲絀臣知其必不忍也伏願沛發明詔在錦衣衛者悉送刑部令三法司將見監諸人分別具奏應末減者末減應釋放者釋放使怨抑之氣不至上沴三辰此固導和迎福之首務也其六省工作略曰自兩宮鼎建以來傳造帶造之工不可勝紀而水衡金錢掃地盡矣其閒不得已之役雖多而閒曠之區非玉輦所臨者固不少也今欲一一構創潤飾之殫國家之財力以供

不賞之土木悅無益之遊觀固聖明所宜深計者矧今三殿朝門之工又方經始諸費益爲浩大當此捉襟露肘之時而舉大役自非萬分撙節必難支拄若前此不急之役未已後此非時之役又興恐物力兩虛必致稽誤甚非算也自古耗財之事多端而土木爲甚宜詔工部鳩聚財力專事門殿其各工未完者寬限帶造未興者一切停罷此最今日節財恤人之要也疏入不報遷南京國子監司業歷左諭德右庶子兼翰林侍講侍讀南京國子監祭酒詹事府少詹事兼侍讀學士累至吏部左侍郎乞歸益負重望築園於杏花村曰遯園林泉自賞未嘗輕至公庭朝廷欲倚爲相七徵不起至於南都利病如兵部快船改馬船絕衛官之苛索兩縣坊廂準里甲爲條編皆更定良法或妄言復舊以便其私起元力爭乃止時有方士醒神子居杏花村詐言己爲威甯伯王越以丹汞房術惑人其門如市起元斥其妄欲與鄉鄰逐之兵部尙書施某爲之庇醒神子大言曰顧某亦仙官也惟信道不堅墮此塵劫我正欲度之惜去起元大怒曰爾貪而好色是教人殺身之術何神仙之有聲其罪於操江守備驅之去

後果以姦獲罪人始服其卓識天啟中南都將立魏忠賢祠來乞文辭以手疾有門人巡鹽兩淮知其清貧密諭商人以重賞求札亦卻之然接引後進孜孜不倦學通今古凡考訂成憲皆折衷焉年六十四卒福王時贈尚書諡文莊著有爾雅堂詩說中庸外傳顧氏小史金陵古金石考說略雪堂隨筆客座贅語遯園漫稿懶真草堂集歸鴻館稿武陵稿時興起元往來者張振英字元度江甯人諸生家徒壁立窗外雜植祀菊左圖右史焚香掃地秩如也隙地種竹數十竿因號苦竹君詩好林和靖孫太初字法雲歷年未四十病酒卒著有潭西集葛如龍字雲蒸號元湖上元人性孤貞善飲工詩字宗歐體以諸生試不利謝去之居鳳臺畔初治屋曰竹護齋後徙於上瓦官寺北麓掘地得泉遂建閣焉年七十餘卒著有竹護齋集同縣沈天挺亟稱之天挺字生子官知縣罷歸適志花木詩酒禮法人忌之天界寺僧雪浪言此君胸中無俗韻張一儒字彥先博洽英雋詩文取法漢魏六朝被薦不出著有嬾眠齋及微君集孫起都字幼如少工詩楷長習經義雅麗宏肆極才人之致著有意在亭集葉適字循甫

國子生家本素封而好韻事學多該通所居竹石皆有致洪寬字仲章好吟咏耽書法刻有鶴遊堂帖蜨菴集劉象先字今度性純厚善與人交習草草魏國公徐弘基深重之李佺字象先諸生善談經几席無塵著有竹浪齋遂園諸稿以上皆應天人又上元鄒景賢字孟淑事節母孝與起元同充萬厯乙卯貢生鄧耀字彰甫方寸之楮作千百字結構波折不失毫釐起元評其書謂有晉螭腳唐令狐綯九經鐵簡之妙吳聲孺年十七補諸生以詩名尋卒著有耽休草起元稱爲吾鄉雋才談玉汝書似起元常爲代書幾欲亂真卒後起元以詩哭之餘如顧顯仁字元白官參政汪鍾英字雲太官知縣謝黃鍾字元聲諸生翟文炳字德孚李世澤字半野皆工詩文炳別著有陰符解金剛經解世澤並善飛白書段文炳字虎臣諸生工小令張四維字治卿好詞曲著有溪上閒情集雙烈記章臺柳記羅萬象字惟一草書法懷素金殿字後林小楷學文徵仲郭惟誠字成也眞行學朱射坡林景暘字乳泉亦工眞行王元耀字潛之四川布政司經歷善畫山水馬電字元赤工詩及大幅畫著有遊梁記入蜀稿起元傷

逝記並及之起元子道昆字章子以任爲戶部檢校異昆字繹子孫蓋詒字念之國子生鳳與六朝之起鳳字不詳又鳳字人曰鳳吾其詩文皆與鳳同
起鳳字羽王一字醒石萬厯三十七年舉於鄉明年成進士除大理評事知一獄有冤獨不署活一家數人出知嘉興府秀水有富民取他人子爲嗣既又納妾生子沒後嗣子誣妾通僕事上府起鳳駁之嗣子走京師欲乞其兄起元書不得乃賄吏部遷起鳳湖廣副使尋擢鴻臚卿以瑞燄熾遂乞歸築園於驍騎倉前街居平孝友事兄如父爲人外渾內剛尤務節儉而族親有緩急則傾囊無德色後無疾而逝

起柘字周南未仕而卒亦有園在倉北
起貞字遂初性婉順體敦厚尤篤友愛課子弟有法天啟元年舉於鄉除台州教授轉國子學正擢戶部員外郎奉命巡淮河漕積弊一蘇罷歸築園於九天祠北屋宇花竹大概如遊園詩酒自樂年八十三卒子姓昆字鹿友起元從孫以牧生 國初康熙時家多藏書尤好明季野史與先著友善厥後又有與孫

通傳十九

七

國光士傑人龍得勝

與孫字警菴自稱杏村老人雍正時以詩名著有望雲草

國光字震東江甯諸生孝友勤儉毫而好學子諱字畏堂號道存亦諸生手錄經史參酌音釋而折衷盡善所居遊園猶有臺池花木之盛每逢佳日輒奉父遊宴雖薄肴旨酒必待立侑觴年四十五卒諱子恩溱字泗源諸生年四十棄舉業不應試嘗曰教童蒙功不在治平下貧不能讀者咸令來學家益困之然不以干人夜有竊盜入室予以貴誨而遣之後識其人果改行年八十餘卒
士傑字雲巖爲布肆主記簿賬則摹帖詠詩書法勁厚著有留月讀書樓集
人龍字飛雲號逸上又號汶筠諸生性豪邁尙氣節揚州離商欲聘爲記室辭不往館於余氏饌甚豐人龍對案愀然惟食蔬其主人怪問之曰吾父老且病甘旨屢絕念此不忍下咽耳主人體其意日令送肉於其家人龍乃安生平嗜書遇善本輒典衣購之或日食不繼笑謂家人曰讀書可飽苟多得數卷可支數日不死人服其善處貧當塗馬壽齡謂其爲人是韋布中有心疏水中有骨

者子我愚字伯求亦諸生晚而瞽不干人以貧死
得勝字雲峯起元八世孫也事母孝咸豐初以貧故從軍爲列校待士卒有恩
提督鮑超重之所戰輒捷洊升至副將賊擾廣東得勝奉調率勇攻嘉應州與
賊戰於平成鋪單騎陷陣所向披靡大軍繼之賊將潰忽爲飛礮洞胸死而城
竟克三軍聞之皆痛哭失聲

論曰明代以科目取士而鼎甲最重然豈不以其人哉澹園世承勳衛而博洽
絕倫宦雖不達名益盛矣杜村治尚循良元介繼之以淡雅焦朱二君洵不愧
龍頭焉古峯以忤嚴嵩罷伯祥亦有父風毅菴學優政事太初文采風流凡附
驥尾者其名皆顯南都人文之聚斯其時也

通傳十九

六



金陵通傳卷十九
弟作儀參訂姪詒慶校字

金陵通傳卷二十目錄

第八十八冊

張如蘭 子可大 怡從兄 幼仁 可仕 可度 可大子 怡 幼仁 從孫 文徽 胡應魁 子士楫 會孫 莘隆 董永

遂 吳邦正 楊 田應元 田有成 孫之實 湯護 沐 葉 徐一鳴 史瑄 夏永昌 趙世

臣 孫士煒 李在公 子敬 熙仲 葉森 熙仲 宗人 灼棠 等

第八十九冊

王祚遠 從子 釋 輅 敬 釋會孫 康佐 祚遠 族父 裕 裕子 士宏 孫自新 曾孫 宗人 陽葵 輅子 康劼 族人 周南 沈衣言 朱鏞 等

通傳二十目錄



王福 子 輝 宗人 紹 委 魏 子 惠 楊 魏 人 長 富 忠 文 言 宋 麟 公

第八十冊

田 宗 士 輝 宗 人 紹 委 魏 子 惠 楊 魏 人 長 富 忠 文 言 宋 麟 公

田 宗 士 輝 宗 人 紹 委 魏 子 惠 楊 魏 人 長 富 忠 文 言 宋 麟 公

田 宗 士 輝 宗 人 紹 委 魏 子 惠 楊 魏 人 長 富 忠 文 言 宋 麟 公

第八十一冊

金陵通傳卷二十目錄

張胡董田黃徐趙李傳第八十八

張如蘭字德馨南京羽林左衛人世襲指揮使中武舉第一博極羣書洞達時
獎奮身勵行動準古人在陪都條議事宜咸見施用嘉靖二十七年春應天妖
言有李王糾眾數萬某日於方山誓師兵部尙書孫鑛以爲憂命如蘭偵之如
蘭疾馳入山無所見於山寺得楊成詩二首和其韻曰四際蒼煙合重圍曲徑
遙狐蹤無可覓鶴侶似相招梵行因僧覺閒情與世超山頭一長嘯螺髻滿青
霄其二曰寒嶺雪不溼荒茅火盡然乾坤自寥落岩壑總鉤連烏影雲霞外龍
精水石邊竭來占氣象幸得此攀緣明日復命以詩呈鑛笑而止後仕至淮徐
漕運參將卒贈右都督著有文章兵法讀十卷功狗集三十卷子可大
可大字觀甫以本衛千戶舉萬厯二十九年武會試授建昌守備遷浙江都司
僉事分守瓜洲儀真江洋大盜欽迹稅監魯保死淮撫李三才令可大錄其資

通傳二十

一

保家餽重賄卻不受大學士葉向高過儀見而異之曰此不特良將且良吏也
遷劉河游擊改廣東高肇參將奉命征黎用黑番爲導搗滅其巢調浙江舟山
地居海中可大條上八議皆碩畫倭犯五罩湖白沙港茶山潭頭連敗之加副
總兵舟山城久圯可大築之兩月工竣城內外田數千畝海潮害稼可大築禔
蓄淡水遂爲膏腴民稱爲張公禔天啟元年以都指揮掌南京錦衣衛事知事
歐陽暉以謫至賦詩有陰霾國事非句爲人所告被逮可大約束旗尉捐奉助
之下室處其妻子其尙義如此尋擢都督僉書南京右府崇禎元年出爲登萊
總兵盡心海防親歷巡視爲海防圖說上之二年白蓮賊餘黨圍萊陽可大擊
破之焚其六寨斬僞國公二人圍遂解京師被兵可大入衛守西直廣甯諸門
以功升都督同知劉興治反東江遂奉詔還鎮巡撫孫元化兵多遼人可大慮
有變屢言之不聽四年進右都督僉書南京左府兼督池河浦口二軍登人泣
留之未行而孔有德反吳橋可大欲迎勦爲元化所沮歲將晏有德薄城可大
請戰元化持撫議不許可大陳利害甚切元化期明年元日發兵合擊至期元

化兵不出明日始合戰城東可大兵屢勝元化部卒皆遠人親黨無鬪志其將張燾先走可大亦敗燾兵半降有德遣歸爲內應元化開門納之可大諫不聽夜半賊至城遂陷可大時守水門撫膺大慟解佩印付旗鼓吳振姬間道走濟南上之還家辭母令弟可度子鹿徵奉之航海趨天津手刃其妾陳於誓之太平樓遂投繯死事聞贈特進榮祿大夫太子少傅諡莊節子世廕建祠於雨花山曰旌忠可大好學能詩敦節行所至敬禮士大夫雖在軍旅手不釋卷有儒將風著有眞州婁江電白舟山諸稿白下牟子駛雪諸集弟可仕

可仕字文時七歲能讀楚詞壯有大志南京兵部尙書范景文禮爲上客詢防江策可仕撰南樞志百七十卷上之聞可大殉難徒步往逆其喪歸葬麒麟門外晚年好佛一食清齋迢然終日自號紫泥老人與歸安茅元儀善元儀沒有姬湯以才色稱戚畹田宏遇欲得之以千金求喻意可仕絕不與通終歲墊巾壞服行吟野哭往來雨花棲霞間緝明布衣詩百卷著有落葉哀蟬集願不願集編年稿擊磬集弟可度字二嚴旣自登奉母歸亦隱居不出號麴後老人著

通傳二十一

二

有鴻雪草墨莊麴後道人詩集從子怡

怡一名遺初名鹿徵字瑤星號白雲初補諸生以父可大死難廕錦衣千戶流賊陷京師被執不屈賊義而逸之久之歸故里妻已前死乃子身隱雨花山松風閣守祠不出晚居攝山不入城市雖日著書秘不示人處土方仲舒余公佩歲時問起居入其室見架上書數十百卷請貳之弗許曰吾以盡吾年耳已市二甕下棺則并藏焉病革時聞親故爲市良材泣曰先皇帝崩不成喪先將軍致命海島無人視斂吾忍乎趣易之乃卒葬山中著有讀易私鈔尙書策取白雲詩言三禮合纂四書會通中庸通一解大學古本鈔武關經史挈史匯金陵私乘攝山志鬚眉鏡謾閒隨筆蠡約養生主志林蟲天避暑日鈔上律編西窗夜雨錄張氏一家言薇菴讀詩鈔濯足菴文集古鏡菴詩內外集玉光劍氣集雲乳銷夏集周流天壤集從兄幼仁失其名善畫能詩尤喜蒔花木築斐園於鷺峯寺前洛錦塘側歲釀酒數十甕園中徧種罌粟虞美人阿藍諸葛榮之屬每花開時晨起取蘆荻作數十管每管翦插時卉數十莖令童子持至市賣花

市肴饌而歸客至則開家釀治所市之物以供杯酌如此者數十年從弟觀宇大風貌頎偉美須鬣妻亡不再娶工圖章詩賦畫以己意爲之遂臻化境少爲諸生甲申後焚棄舉業衣短後北走盧龍上谷登昌平天壽諸山潏然流涕所至公卿爭迎有中貴子招飲邀館其幕中飄起立瞪目不語一日興盡騎驢而歸喜幽僻多寓寺院畫尾署眞香佛空四海或稱昇州道士自題墓石小像遺書付鄭薰藏之壬寅年卒著有雙鏡齋詩上藥亭詩餘楞嚴綱領一門反切觀子震字玉成一字止釋亦善畫家藏金石甚富年九十餘猶日行百里著有眞一齋稿怡從孫文徵字虞載好吟咏嘗與吳珣及李樸亭胡修來金澹園金青溪林奏三唱和著有豹光集珣別有傳

胡應魁字眞卿江甯人由武進士累官至廣西總兵明季軍政廢弛應魁號令嚴肅士卒畏而懷之所蒞皆閩浙佳山水登臨嘯咏或遇名蹟頽圯輒捐資重葺之子士楫字濟公 國初恩貢生天性渾厚盡讓遺產於兄弟甘貧守道爲文一本經術從遊日眾少喪母每祭奠必泣然流涕終身如一日遺命葬母墓

通傳 二十

側士楫子暉字馱代號旭初歲貢生暉子莘隆字禮田乾隆六年舉人十三年進士官太常博士著有秦淮修禊賦

董承遂江甯人萬曆四年與同縣吳邦正上元楊元應天田應元同舉武進士而承遂廷試第一官河閒守備轉甯紹杭嘉參將拒倭獲奸謀調惠潮以捕盜功擢副總兵積勞卒官吳邦正一作必正字元德號貞菴初以南京藩陽左衛千戶

舉武進士授神樞坐營守備屬大閱騎射冠軍進都指揮升中都留守進薊鎮南兵營游擊有邊功又以計斬屬夷張武烈并禽敵閒三十八方隅以靖丁母憂歸南都以墳典自娛姻黨中婚喪傾資無所吝卒焦竑志其墓楊元始官廣西都司土司饋白金三千卻之升思恩參將討峒賊焚其巢禽武緣賊渠十二斬三百餘級檄平安南黎莫二酋征荔浦茶城賊一日夜破十寨斬其渠進昭平副總兵討平皮林苗擢掌南京錦衣衛乞休不允卒於任

田應元字善長南京水軍右衛人祖勳世襲千戶父表應天諸生應元雋爽有大志以武進士授吳淞千總擢河南都司管局捕事會歲凶攘奪蜂起當事欲

重繩以法應元曰民爲饑驅奈何以深文治之令非傷人及羣聚者不問於是盜盡解散遷劉河遊擊進參將守正被讒復謫河南都司統宣武衛卒北防諭逐虜功賜金俄告歸築小園以奉親讜遊最樂居父喪盡禮未幾卒居恒不營生產曰人生衣食外皆長物也自奉甚儉惟祀與養則志物兼至歲值聖節必束帶焚香禮闕馬子善生亦武進士同時田有成字名錄號懷野南京鷹揚衛人幼至孝母病禱茅山百步一稽首不知疲也已中萬厯十三年武鄉試明年成進士授指揮僉事大營把總俄改神機營歷泗州守備山東都司晉昌游擊徐州參將轉京營爲人坦洞不設城府而壹出於忠厚拊循士卒所至皆樂爲之用以故得良將名顧伉直無所撓一漕使欲其囊韃見不可強之至再奮然曰頭可斷守不可易也旣而告歸與焦汝等結詩酒社卒年六十七子之良之甫皆國子生

黃鉞字長白南京錦衣衛人少孤事母孝奉伯兄如父舉萬厯二十九年武進士第一累官至南京左府僉書都督僉事嘗渡海征黎平抱由羅喇諸賊白蓮教作亂又率兵渡江保護淮鳳旣而在黔領專敕討安酋定緘金大方諸寨捷聞得優賚南還祿入悉周宗族不爲家計年七十八卒同時武科著稱者有土元方矩董汝梅矩以萬厯十三年進士官至浙江副總兵獲私販日本商船貨直二萬餘兩商林元願以半賄免拒之悉以輸官其清介如此汝梅亦以進士第一官乍浦參將建籌海堂於署中

徐一鳴初字起鳳改字心霍南京豹韜衛人世襲指揮使萬厯中官舟山參將倭入壇頭率兵敗之番商積盜捕獲殆盡公餘進儒生於帷幄敦詩說禮歲旱徒步禱祈甘霖立降官終潮漳副總兵舟山爲立生祠德政碑同時江甯史瑄字彥章守備靖州靖古盤瓠種恃險桀驁瑄往宣布威德遠近帖然句容夏永昌萬厯二十八年以太倉衛指揮爲崇明把總嫻於方略謂縣境汎多艦少請增十艦相接巡邏以備盜焉

趙世臣字以忠號葵廷南京鷹揚衛人世襲指揮同知天啟中官廣東參將雷州濱海與土番近世臣威惠並著番人斂迹擢廣西副總兵昭平人半猿獠種

野居穴處八排搖作亂世臣率兵勦之獲其渠二人昭平人德之建生祠以祀崇禎初升吳松總兵海島有賊名飛虎者賈舶過其地必索稅世臣使持檄諭之飛虎遁擢廣西挂印總兵八年流賊犯鳳陽延及池河欲南侵世臣時已家居率浦子營兵三百任禦之揚言精兵八萬四千踰關山禽斬十七人賊不敢逼尋卒長孫士燁字燦齋國朝革除衛籍遂爲江浦人中康熙三十二年武舉由鳳陽千總累遷雷廉副總兵改前官刻諸槃閭安堵以病歸雷人爲立去思碑既家居慷慨尙義有知縣孫某寓江浦卒後餘一孫女士燁育之盱眙李某貧不能婚以女歸焉

李在公字天培號碧螺六合人父雲鵠字汝臯自吳縣遷金陵得遺金於屋後封識之還其故主葬蘇人之客死者六合葉墳奇其行以女妻之遂徙家竹墩里葉氏身長七尺餘黑于著於頰掌如噴血晚年生須數莖力舉百鈞克勤婦職在公舉萬厯四十四年武進士官至援勦副總兵告歸流賊猖獗總兵陳洪範延人幕中會獲賊男婦四百餘人令皆斬之在公請驗眞僞乃辨聲音視狀

通傳二十

五

貌斬二十二人以徇餘皆釋之連歲饑饉凡六次捐振全活無算晚好讀書下筆千言立就年九十八卒子敬

敬字聖一號退菴少與同縣湯渡湯沐孫沂如沈希孟俱師朱庠昌而獨受經世之學舉國朝順治二年鄉試四年成進士授行人轉御史出按湖廣請免租稅改折黃絹民以爲便先是留守夏雲奇遇在公厚雲奇以忤璫被逮其子衮爲賣菜傭敬至楚爲之授室置產尋以討賊功擢太僕少卿歷左右通政使宗人府丞至刑部左侍郎丁母憂以毀卒賜祭葬著有退菴文集九卷學詩錄十二卷集中如整飭驛遞疏請定銀糧解例疏開荒勸農疏共二十六道審錄七道議四道皆經濟之文也弟敷字敬仲子之本字伯生之實字仲節之用伏其字之端字季克皆諸生之實家居值鄭成功入犯負祖母曹扶母張逃山中夜行四十里以任重嘔血而死敬孫廷益亦能詩湯渡字昭夔號聖宏其祖有光當萬厯時獻嘉禾瑞麥頌以諸生授儒官著有詞韻六書釋義時六合湯有光外應天府學有兩湯有光字雲樵者居上浮橋字熙臺者居上父祖武字允繩亦諸生著新阿又通州詩人湯有光字慈明則是四湯有光矣

有吹映閣集漢旣從庠昌遊庠昌謂之曰科舉之文不足致力當多讀書爲詩古文詞祖武聞之喜曰兒輩得師矣漢天性孝友不以學辨勝人嘗入丁雄飛古歡社尤精天文六書桐城方以智山陽張弼每與商訂以諸生終著有春秋厯補測天雜說說文部敘六書補音聲定位圖讀易考略沐字天邑幼時其舅氏葉熙仲開社雲西草堂沐爲詩厭驚宿慧稍長從張盈令葉玉森遊旣補諸生力學不倦避兵阜河與顧夢游友善晚年文喜駢儷先著亟推賞之著有林陵名勝詠澤畔吟未園草冷暹兩山嚮往集倚蘭近詩駢體別集倡和集古今同姓名錄漢子學仕字用茲沐子學伊字伊茲學修字幼茲族子一麟字梅梁號西岑一騏字六如皆工詩葉熙仲者世居竹墩里爲六合望族亦在公之外家也宗人灼棠字函公一字嵩巢亦從庠昌受業充國朝順治八年拔貢考取中書康熙十八年薦博學鴻詞從征福建有功擢興泉道捐俸賑饑時盜賊充斥灼棠盡得其名出兵捕獲之日治軍書不假手胥吏是以賊聞無所得又與鎮將夜破眉州嶼屯賊俘斬千餘級餘黨解散有小學宗元泉州政略嵩巢

通傳二十一

六

詩集時上元葉森字立菴號蒼雨本歙籍亦以游擊隨征閩粵家居龍江關以詩名灼棠弟茂棠字巖菴甘棠字颺公芾棠字憩公壽棠字介公起棠字又生澗棠字蔭公皆有詩集行世

論曰德馨風流儒雅文武兼資觀甫經濟蔚然爲同寅所扼卒以身殉惜哉白雲以遺老而專精經術不求聞達高矣胡董田黃以次諸公或作鎮海嶠或著績海濱皆承平之良將也天培參贊幕閩專務施仁宜其子孫熾昌治登卿貳也已

句容王氏傳第八十九

王祚遠字無近一字魯明句容人父嘉士字春野治家有法祚遠舉萬厯三十二年進士授檢討纂修實錄典試得孔貞運姚希孟周鳳翔諸人歷侍讀學士充日講官多所啟沃進禮部右侍郎改吏部左侍郎告歸祚明孝友才品與之齊名祚遠子懌字尹諧以貢生選撫州通判轉南甯知縣會桂王入滇供億浩繁又值歲荒饑民劫掠懌乞貸帑銀十萬以給用遷知賓州適官糴粟以充

餉令鬻者自運致民間洵河懌復爲請免土司張如叛兵自鐵索橋出數犯渾
京假道賓州懌令民入城而選精卒自將破賊旋獲如斬之升武定知府進雲
南洱海副使卒官懌曾孫康佐

康佐字安亭少攻苦潛心理學舉雍正十年鄉試乾隆七年成進士除檢討歷
充順天鄉試同考官三禮館纂修未幾假歸主講雉水晉陽書院及返里諸生
皆追送泣別尋起補原官充三通館纂修復病歸臥牀數月手不釋卷與二子
講析經義無異平時年六十四卒生平端謹純篤風度凝遠雖處暗室不忘恭
敬祭祀一遵朱子家禮弟姪孤嫠者計口授食歷久不倦著有求是齋稿祚遠
族父裕

裕字有容一字肖泉萬厯二十八年歲貢選授會稽訓導遷潛山教諭不赴生
平孝友篤行作耐省二箴以自勗別構精舍曰萬松山房以山水自娛著述甚
富嘗修句容縣志引曹國彥陳賓爲佐著有萬松山房集子士宏字任甫 國
初以貢生選嘉善訓導與錢塞菴曹莪雪友善嘗以詩筒往還遷五河教諭課

通傳二十

七

士嚴肅屏斥佛老歲旱率諸生泣禱雩壇大雨立降以勞卒官士宏子自新
自新字仍齋一字紫蘭順治二年舉於鄉明年成副榜進士除通州學正會海
寇薄城自新憤然曰我雖無民社責忍坐視乎乃選壯士激以忠義晝夜巡視
賊眾引退升國子學正歷刑部郎中有妖僧陷總兵某卽爲雪之北通州惡少
與貴官子弟強淫良家婦致死自新嚴拒請託竟寘諸法累至僉都御史胡廣
學政卒官著有萬卷山房詩文集子輅

輅字大席號蒼霞以貢選吳縣教諭歲饑捐金以振轉歛縣教諭升汧陽知縣
地生火焰草民饑食之輒死時縣倉有鳳翔儲粟四千石輅請暫貸以振上官
不可輅曰吾以一官救萬民命雖死亦幸輒發之民賴以全至秋不俟催科完
納如數以憂歸卒弟轍字文懷事繼母孝代兄完糧五十餘年爲兄子娶婦復
迎養寡姊月給舅氏米薪營其祭葬周給貧乏久而不衰族弟陽葵亦事繼母
如所生嘗積穀二千石別儲一倉以給貧乏陽葵子階組官州同遇歲歉自捐
振外每日炊飯必多入米數斛無食者咸就食焉階組子廷璫廷玠嘗修建學

宮平治道路先後捐銀三千餘兩育嬰振饑見義必爲鄉里德之輅子綱字奕青以孝聞綱子碗官順德知府碗子康劾字獻臣號坦菴以貢生選授漢陽府通判移駐漢口鎮其地五方雜處號爲難治康劾安民詰盜有神明稱嘗有無賴子某大府廉得其罪檄康劾撈死康劾謂曰汝罪在不赦今死當無復辭某痛哭乞急斃恐老母至見且不忍康劾惻然爲請於大府遂得杖釋某由此感悔杜門不出儕類亦四散漢鎮乃安河南大饑流民麋至康劾捐米振給復構室以居之尋乞養歸於城南鑿池種竹奉母讌遊署曰竹圃母卒服闋補永州通判永地樸陋康劾爲設講堂擇秀者課之民始知學乾隆十三年卒官年甫六十子廷光廷正廷俞廷俞一名秀俞諸生與宗人周南周南弟吉士及同縣沈衣言楊鳳翔駱三奇朱鏞鏞姪潞洪亮吉在句容時皆相與友善周南字詩正後官同知性好施歲荒倡捐賑濟嘗修尊經閣明倫堂因園居多竹號修竹老人家有獨鶴山莊著有純甫吟集吉士字藹廷與沈衣言等皆諸生朱鏞字筠谷好金石陽湖孫星衍亦重之

通傳二十

論曰句容王氏自前明迄今世有達人夙明文學侍從下逮安亭雖未大展其抱負而清華著望矣尹諧紫蘭蒼霞坦菴循良之績如有治譜非皆其翹楚也哉

金陵通傳卷二十

弟作儀參訂受業李保亮校字

